

LOVE GOD GREATLY AFRIKAANS JOERNAAL

# Kies God, nie die wêreld nie

*vir kinders*

Leer uit die lewens  
van Jakob en Josef

*KIES GOD, NIE DIE WÊRELD NIE: LEER UIT DIE LEWENS VAN JAKOB EN JOSEF*

Kopiereg © 2022 deur Love God Greatly Bediening

Toestemming word verleen om hierdie dokument te druk en te herproduseer vir die doel om die *Kies God, nie die wêreld nie: Leer uit die lewens van Jakob en Josef* aanlyn Bybelstudie te voltooi. Moet asseblief nie hierdie dokument op enige manier verander nie. Alle regte voorbehou. Gepubliseer in Dallas deur Love God Greatly.

Kaart ontwerp met hulpbronne van rawpixel.com / Freepik.

Bron vir inligting en data:

Joshua Project, [joshuaproject.net/languages/swl](https://joshuaproject.net/languages/swl), inligting verkry Februarie 2022.

## **'N WOORD AAN OUERS**

Hierdie Bybelstudiegids is ontwerp sodat vroue God se Woord saam met hul kinders kan bestudeer. Hierdie studiegids is spesifiek ontwerp om saam met die *Kies God, nie die wêreld nie* studiegids gebruik te word.

Love God Greatly is toegewyd om God se Woord toeganklik te maak vir vroue en kinders reg oor die wêreld. Nou kan jy God se Woord deel met die kinders in jou lewe deur middel van hierdie studie wat uniek ontwerp is vir jong harte.

Julle sal opmerk dat daar 'n paar klein verskille is tussen die leesplan in hierdie joernaal en die leesplan van die *Kies God, nie die wêreld nie* joernaal vir vroue. Hierdie joernaal sluit nie Genesis 34 of Genesis 38 in nie. Alhoewel die SOAP verse en die addisionele verse vir daardie dae dieselfde bly, is baie van die inhoud in hierdie verse te gevorderd vir jong kinders. Ons moedig jou aan om hierdie hoofstukke vir jou kinders op te som op 'n manier wat toepaslik is vir hulle ouderdom en begrip.

## **WEEKLIKSE GIDS VIR OUERS**

Hierdie gids word gevind op die eerste bladsy van elke week. Terwyl jy hierdie week die Bybel saam met jou kind lees, help hulle om die karakter van God en die weeklikse toepassing te verstaan. Jy kan hierdie aspekte gedurende die week met jou kind bespreek om hulle te help groei in hulle begrip van wie God is en wat dit beteken om vir Hom te lewe.



# INHOUD

005	HANDLEIDING VIR OUERS
007	KEN HIERDIE WAARHEDE
009	HOOGTEPUNTE VAN DIE TAAL
010	INLEIDING
012	LEESPLAN
015	JOU DOELWITTE
016	WEEK 1
040	WEEK 2
065	WEEK 3
090	WEEK 4
117	WEEK 5
144	WEEK 6

# HOE OM GOEIE BYBELSTUDIEGEWOONTES VIR JOU KIND AAN TE LEER



## BID

Vra God om jou na die beste manier te lei om jou kind te nader oor Bybelstudie. Waarop sal jou kind die beste reageer op grond van wat hy of sy geniet?

### LEER HULLE OM TE BID

Gebed gaan oor 'n verhouding met God, nie om die dinge te kry waarvoor ons vra nie. Help hulle om te verstaan dat gebed 'n manier is om God te ken. Bid saam voordat julle met julle studie begin en as vrae tydens julle studie opkom. Nadat julle jul studie vir die dag voltooi het, vra God om julle te help om dit wat julle geleer het toe te pas. Laat jou kind met kort, eenvoudige gebede begin om die gewoonte aan te moedig.



## DOEN SAAM BYBELSTUDIE

Nooi jou kind om by jou aan te sluit en doen die studies saam. Maak dit 'n spesiale tyd waarna jou kind kan uitsien, 'n tyd van verbintenis met jou. Dit is ook verstaanbaar as julle nie altyd saam kan Bybelstudie doen nie.

### MOEDIG ONAFHANKLIKHEID AAN

Leer hulle hoe om die Bybelstudie op hulle eie te doen. Laat jou kind op sy of haar vlak deelneem. Dit sal hulle in staat stel om suksesvol op hul eie Bybelstudie te doen en hulle afhanklikheid van om altyd onderrig te word, verminder.



## BEVORDER GOEIE STUDIEGEWOONTES

Leer jou kind om na te dink oor wat hy of sy lees. Laat hulle vrae neerskryf en woorde onderstreep wat hulle nie verstaan nie. Leer hulle hoe om die antwoorde te vind deur 'n volwassene te vra, dit in die Bybel of in ander hulpbronne op te soek, of om op 'n betroubare webwerf met jou toesig te soek. Onthou, die antwoorde op vrae oor die Bybel word dikwels in die Bybel gevind. Help hulle om te ontdek hoe om hierdie antwoorde te vind.

### SKEP 'N ROETINE

Besluit op 'n vasgestelde tyd en spesifieke plek vir julle studie. Begin met realistiese verwagtinge, hetsy een keer per week, 'n paar keer per week of elke dag. Moedig konsekwentheid en voltooiing aan, nie perfeksie nie.

### WEES 'N VOORBEELD

Doen gereeld jou eie Bybelstudie en vertel vir jou kinders wat jy uit jou tyd saam met die Here leer. Praat met opgewondenheid oor jou eie Bybelstudie en wys vir hulle waarom dit belangrik is. Verduidelik aan hulle waarom jy besluit het om 'n spesifieke Bybelstudie te doen.





## PAS WAT JY GELEER HET TOE

Help jou kind om die waarhede wat hulle geleer het, met praktiese toepassing te verbind. Vra vrae, nie net oor die inhoud nie, maar hoe hulle anders kan optree op grond van wat hulle geleer het. Liedjies, kuns of handwerkaktiwiteite kan jou kind ook help om te onthou wat hulle geleer het.



## HOU DIT PRETTIG EN MOTIVEREND

Gebruik klein aansporings, soos plakkers of nuwe gekleurde potlode, om hulle betrokke en opgewonde te hou om die Bybel te bestudeer. Laat hulle met broers en susters, vriende of familielede deel wat hulle geskep of geleer het.

## WEES GEDULDIG

Volg 'n positiewe benadering, wetende dat sommige dae baie beter sal gaan as ander. Ver wag 'n gemors, afleidings en selfs trane. Let op wat jou kind nodig het, en help hulle om aangespoor en betrokke te bly. Die doel is om hulle te leer van die God wat hulle liefhet en vir hulle gesterf het, nie vir 'n volmaakte Bybelstudietyd of 'n skoon kombuistafel nie.

**Lei en leer hulle in waarheid, en laat God hulle harte wen.**

## STUDIEWENKE VIR VERSKILLENDE OUDERDOMME:

### PRE-PRIMÊRE / VOORSKOOLSE FASE (4-6)

Beklemtoon 'n gedeelte van die SOAP-vers om op te fokus en 'n paar sleutelwoorde vir jou kleintjie om te kopieer. Laat jou kind hul gebed aan jou voordra terwyl jy dit neerskryf en bid dit dan saam.

### GRONDSLAGFASE (6-8)

As jou kind maklik ontmoedig word met skryf, moedig hom of haar aan om te teken wat hulle uit die verse geleer het en soveel besonderhede as moontlik in te voeg.

### PRIMÊRE FASE (8-10)

Moedig jou kind aan om die verse op te soek en dit onafhanklik te lees. Maak seker dat hulle weet hoe die Bybel uiteengesit is en hoe om boeke, hoofstukke en verse op te spoor. Oefen om die boeke van die Bybel te memoriseer.

### SEKONDÊRE / JONG TIENERFASE (10-12)

Laat jou kind toe om onafhanklik te werk, maar bly beskikbaar om vrae te beantwoord, te bespreek wat deur die week geleer is, en saam te bid.



# KEN HIERDIE WAARHEDE

## GOD HET JOU LIEF

God het ons almal lief! Hy gee so baie om vir jou dat Hy sy eie Seun gestuur het om vir jou en my sondes te betaal, sodat ons vir ewig saam met Hom kan lewe.

God se Woord sê: "God het die wêreld so liefgehad dat Hy sy enigste Seun gegee het, sodat dié wat in Hom glo, nie verlore sal gaan nie maar die ewige lewe sal hê." (Johannes 3:16).

## ONS SONDE SKEI ONS VAN GOD

Sonde is ongehoorsaamheid aan God. Ons almal sondig. God het ons geskep om in 'n verhouding met Hom te leef, maar ons sonde skei ons van Hom.

Ons is almal sondaars van nature en uit eie keuse, en daarom is ons geskei van God, wat heilig is. God se Woord sê, "Almal het gesondig, en het nie deel aan die heerlijkheid van God nie," (Romeine 3:23).

## JESUS HET GESTERF SODAT JY KAN LEWE

Ons weet dat wanneer ons nie na ons ouers of ander volwassenes luister nie, daar gevolge is. Ons mag dalk vir 'n ruk lank nie met ons gunsteling speelding kan speel nie, of nie by maatjies gaan kuier nie, of partykeer kan iemand seerkry as gevolg van ons ongehoorsaamheid.


Die ewige gevolg van ons sonde is die dood – vir altyd geskei van God. Maar God het 'n plan, Hy het sy Seun, Jesus, gestuur om vir ons sondes te betaal toe Hy aan die kruis gesterf het. Omdat Hy 'n volmaakte (sondelose) lewe gelei het, was Hy alleen in staat om die straf vir die sondes van die hele wêreld te betaal. Dit is God se gawe van verlossing, en dit is beskikbaar vir elkeen van ons.

God se Woord sê: "Die loon wat die sonde gee, is die dood; die genadegawe wat God gee, is die ewige lewe in Christus Jesus ons Here." (Romeine 6:23); "Maar God bewys sy liefde vir ons juis hierin dat Christus vir ons gesterf het toe ons nog sondaars was." (Romeine 5:8).

## JESUS LEEF!

Drie dae nadat Jesus gekruisig is en sy liggaam in die graf neergelê is, het Hy weer opgestaan en sonde en die dood vir ewig oorwin. Vandag bly Hy by God in die hemel en is besig om 'n plek voor te berei in die ewigheid vir elkeen wat in Hom glo.

Jesus sê: "In die huis van my Vader is daar baie woonplek. As dit nie so was nie, sou Ek nie vir julle gesê het Ek gaan om vir julle plek gereed te maak nie. En as Ek gegaan



het en vir julle plek gereed gemaak het, kom Ek terug en sal julle na My toe neem, sodat julle ook kan wees waar Ek is." (Johannes 14:2-3).

## **WEET JY KAN VERGEWE WORD**

Daar is niks wat jy kan doen om jouself te red nie, maar die Goeie Nuus van die evangelie is dat Jesus jou kan red, en Hy het! Jy hoef net te glo dat jy 'n sondaar is en dat Jesus vir jou sondes gesterf het. Jy kan Hom vra om jou te vergewe en glo dat wat Hy vir jou aan die kruis gedoen het genoeg was om jou van die straf van sonde te red.

God se Woord sê: "As jy met jou mond bely dat Jesus die Here is, en met jou hart glo dat God Hom uit die dood opgewek het, sal jy gered word. Met die hart glo ons, en ons word vrygespreek; en met die mond bely ons, en ons word gered." (Romeine 10:9-10).

## **AANVAAR CHRISTUS SE GAWE VAN VERLOSSING**

Hoe kan jy die gawe van verlossing aanvaar? Met 'n opregte hart kan jy 'n eenvoudige gebed soos hierdie bid:

Jesus,  
Ek beseft dat ek 'n sondaar is. Ek wil die liefde en vergifnis wat U vir my het, met ope arms aanneem. Vergewe my asseblief. Ek glo dat U vir my sondes gesterf en uit die dood opgestaan het. Ek gee my alles aan U oor en vra U om Here van my lewe te wees. Help my om die regte keuses te maak en U te volg. Leer my wat dit beteken om in vryheid te wandel terwyl ek onder U genade leef. Help my om te groei in u weë terwyl ek smag om U beter te leer ken.  
Amen.

## **BLY IN KONTAK EN GROEI**

As jy hierdie gebed (of iets soortgelyks in jou eie woorde) gebid het, deel die goeie nuus van jou redding met jou ouers of 'n ander volwassene sodat hulle saam met jou kan bly wees!


As jy nie klaar deel van 'n plaaslike gemeente is nie, moedig ons jou aan om deel te word! As jy hulp nodig het om 'n gemeente in jou area te vind, vra 'n ouer om jou te help om 'n e-pos aan ons te stuur by [info@lovegodgreatly.com](mailto:info@lovegodgreatly.com).



# HOOGTEPUNTE VAN ONSWÊRELDWYE BEDIENING

SWAHILI

HOEVEEL MENSE WÊRELDWYD  
PRAAT HIERDIE TAAI:  
3,817,000




# INLEIDING

**E**lke dag maak jy baie keuses. Partykeer is hierdie keuses goed, soos om met jou broer of suster te deel, aan jou ouers gehoorsaam te wees of jou groente te eet sonder om te kla. Sulke soort keuses eer God. Soms is ons keuses sleg en bring dit nie eer aan God nie. Dit kan iets wees soos om lelik te wees met iemand by die skool, vir jou ouers te jok, of om in 'n resies of speletjie te kul. Elke dag kies ons om óf gehoorsaam of ongehoorsaam te wees aan God.

'n Man met die naam Jakob het ook elke dag keuses gemaak. Partykeer het Jakob gekies om die regte ding te doen, en soms het hy gekies om dinge te doen wat selfsugtig was of ander se gevoelens seergemaak het. Een van sy seuns, 'n man met die naam Josef, het ook keuses gemaak. Josef het dikwels gekies om die regte ding te doen, om sy ouers en God te gehoorsaam en altyd ander te help as hy kon. In hierdie Bybelstudie gaan ons leer van hulle lewens en hoe om keuses te maak wat God eer.

Die dinge wat in Jakob en Josef se lewens gebeur het, is opgeteken in die Boek Genesis, die eerste boek van die Bybel. Dié boek vertel ons hoe God die aarde gemaak het en hoe Hy 'n familie gekies het om sy spesiale volk te wees. God het belowe om hierdie familie 'n seën vir almal te maak en om vir hulle hul eie land te gee. God het deur Jakob en sy seuns sy belofte aan hierdie familie nagekom. God het hierdie familie gebruik om sy Messias, Jesus Christus, in die



wêreld te laat kom, aan die kruis te laat sterf en drie dae later uit die dood te laat opstaan om die wêreld van sonde en dood te red.

Baie mense wat die Boek Genesis bestudeer het, glo dat dit deur 'n man met die naam Moses geskryf is. Moses was 'n leier van die Israëliete, die volk wat van Jakob en sy seuns afgestam het. Die meeste glo Genesis is geskryf nadat die Israëliete uit slawerny in Egipte bevry is, omtrent 1440 v.C. Terwyl die Israëliete, Jakob se afstammeling, reggemaak het om in die land wat God aan hulle beloof het, te gaan woon, het hulle van Jakob en Josef gehoor – die kere wat hulle gekies het om God te gehoorsaam en ook die kere wat hulle ongehoorsaam was. Hierdie dinge het die Israëliete laat onthou dat God altyd sy beloftes hou, selfs al sou hulle slegte keuses maak.

Deur hierdie Bybelstudie gaan ons leer van God se getrouheid en sy karakter wat getrou bly aan sy beloftes. God is altyd aan die werk vir sy mense, en Hy help hulle altyd. Ons kan leer om God baie lief te hê as ons leer wie Hy is deur die lewens van ander wat Hom gevolg het, soos Jakob en Josef.

Behalwe hierdie studie, kan julle kan ook gaan kyk na *In die Begin vir Kinders* en *Geloof bo Volmaaktheid vir Kinders* as julle die hele studie van die Boek Genesis wil volg.

# LEESPLAN

## WEEK 1

- **Maandag**  
Lees: Genesis 25:19–26; Jesaja 43:1  
SOAP: Jesaja 43:1
- **Dinsdag**  
Lees: Genesis 25:27–34; 1 Johannes 2:15–17  
SOAP: 1 Johannes 2:15–17
- **Woensdag**  
Lees: Genesis 26:34—28:9; Romeine 9:6–18  
SOAP: Genesis 28:3–4
- **Donderdag**  
Lees: Genesis 28:10–22  
SOAP: Genesis 28:15
- **Vrydag**  
Lees: Genesis 29:1–30; Galasiërs 6:6–10;  
Hebreërs 12:6  
SOAP: Galasiërs 6:7–9

## WEEK 2

- **Maandag**  
Lees: Genesis 29:31—30:24; Kolossense 3:1–3  
SOAP: Kolossense 3:1–3
- **Dinsdag**  
Lees: Genesis 30:25–43; Spreuke 3:1–12  
SOAP: Spreuke 3:9–10
- **Woensdag**  
Lees: Genesis 31; 1 Johannes 3:18–24  
SOAP: 1 Johannes 3:23–24
- **Donderdag**  
Lees: Genesis 32:1–21; Psalm 56:3–4, 10–11  
SOAP: Psalm 56:3–4
- **Vrydag**  
Lees: Genesis 32:22–32  
SOAP: Genesis 32:28

## WEEK 3

- **Maandag**  
Lees: Genesis 33; 2 Korintiërs 5:16–21  
SOAP: 2 Korintiërs 5:18–19
- **Dinsdag**  
Lees: Romeine 12:17–21  
SOAP: Romeine 12:19
- **Woensdag**  
Lees: Genesis 35; Deuteronomium 30:15–20  
SOAP: Deuteronomium 30:15–16
- **Donderdag**  
Lees: Genesis 36:1—37:1; Genesis 27:28–29, 39–40;  
Hebreërs 10:23; 11:20  
SOAP: Hebreërs 10:23
- **Vrydag**  
Lees: Genesis 37:2–11; Lukas 16:10  
SOAP: Lukas 16:10

## WEEK 4

- **Maandag**  
Lees: Genesis 37:12–36; 2 Korintiërs 4:7–18  
SOAP: 2 Korintiërs 4:17–18
- **Dinsdag**  
Lees: Rut 4:12; Matteus 1:2–16  
SOAP: Rut 4:12
- **Woensdag**  
Lees: Genesis 39; Jakobus 1:2–18  
SOAP: Jakobus 1:12–13, 17
- **Donderdag**  
Lees: Genesis 40; Psalm 13  
SOAP: Psalm 13:6
- **Vrydag**  
Lees: Genesis 41  
SOAP: Genesis 41:51–52





## WEEK 5

- **Maandag**  
Lees: Genesis 42; 2 Korintiërs 7:9–10  
SOAP: 2 Korintiërs 7:9–10
- **Dinsdag**  
Lees: Genesis 43; 1 Petrus 3:8–9  
SOAP: 1 Petrus 3:8–9
- **Woensdag**  
Lees: Genesis 44; Johannes 15:12–13; 1 Johannes 1:8—2:2  
SOAP: Johannes 15:12–13
- **Donderdag**  
Lees: Genesis 45:1–15  
SOAP: Genesis 45:5
- **Vrydag**  
Lees: Genesis 45:16—46:30  
SOAP: Genesis 46:2–4

## WEEK 6

- **Maandag**  
Lees: Genesis 46:31—47:27; Spreuke 8:12–17  
SOAP: Spreuke 8:15–17
- **Dinsdag**  
Lees: Genesis 47:28—48:22; Jesaja 55:8–9; Filippense 1:6;  
Hebreërs 11:13, 21  
SOAP: Hebreërs 11:13, 21
- **Woensdag**  
Lees: Genesis 49:1–28; Psalm 139:1–6, 16  
SOAP: Psalm 139:16
- **Donderdag**  
Lees: Genesis 49:29—50:26; Eksodus 13:19; Johannes 14:1–3  
SOAP: Johannes 14:1–3
- **Vrydag**  
Lees: Genesis 1:31; 3:4–6; 6:5–8; 18:22–25; 50:19–20  
SOAP: Genesis 50:19–20

# JOU DOELWITTE

Skryf drie doelwitte neer waarop jy graag wil fokus elke dag wanneer jy God se Woord bestudeer. Maak seker dat jy gedurende die volgende paar weke terugverwys na hierdie doelwitte om jou te help om gefokus te bly. Jy kan dit doen!

1. \_\_\_\_\_  
\_\_\_\_\_  
\_\_\_\_\_  
\_\_\_\_\_

2. \_\_\_\_\_  
\_\_\_\_\_  
\_\_\_\_\_  
\_\_\_\_\_

3. \_\_\_\_\_  
\_\_\_\_\_  
\_\_\_\_\_  
\_\_\_\_\_





WEEK 1

“EK IS BY JOU  
EN EK SAL JOU  
BESKERM WAAR  
JY OOK AL  
GAAN. EK SAL  
JOU NA HIERDIE  
LAND TOE  
TERUGBRING. EK  
SAL JOU NIE IN  
DIE STEEK LAAT  
NIE. EK SAL DOEN  
WAT EK JOU  
BELOOF HET.”

GENESIS 28:15

# MAANDAG - WEEK 1

LEES

## Genesis 25:19-26

Hier volg besonderhede oor Isak seun van Abraham: Abraham was Isak se pa, 20 en toe Isak veertig jaar oud was, het hy met Rebekka getrou. Sy was die dogter van Betuel, 'n Arameër uit Paddan-Aram, en 'n suster van Laban die Arameër.

21 Isak het tot die Here gebid oor sy vrou, want sy was kinderloos. Die Here het sy gebed verhoor, en sy vrou Rebekka het swanger geword. 22 Die kinders het in haar teen mekaar gestamp, en toe sê sy: "Waarom gebeur so iets met my?"

Sy het toe die Here gaan raadpleeg, 23 en Hy het vir haar gesê:

"Daar is twee nasies in jou,  
twee volke uit jou sal van mekaar geskei word.  
Een sal sterker wees as die ander,  
die oudste sal die jongste dien."

24 Toe Rebekka haar kinders in die wêreld bring, was dit tweelingseuntjies. 25 Die eerste is gebore: rooi, vol hare soos 'n veljas, en hy is Esau genoem. 26 Sy broer is na hom gebore en dié se hand het aan Esau se hakskeen vasgehou. Hy is Jakob genoem. Isak was sestig jaar oud toe hulle gebore is.

## Jesaja 43:1

Luister, so sê die Here  
wat jou geskep het, Jakob,  
wat jou gevorm het, Israel:  
Moenie bang wees nie, Ek verlos jou,  
Ek het jou op jou naam geroep.  
jy is Myne.





Teken of skryf iets wat jy uit hierdie verse geleer het:



Skryf jou gebed vir vandag neer:



# DINSDAG - WEEK 1



LEES

## **Genesis 25:27-34**

Die seuns het grootgeword. Esau was 'n ervare jagter, 'n man van die veld; Jakob was 'n rustige mens, hy het tuis gebly. 28 Isak het vir Esau voorgetrek, want Isak het van wildsvleis gehou. Rebekka weer het vir Jakob voorgetrek. 29 Op 'n dag terwyl Jakob lensiesop aan die kook was, kom Esau doodmoeg uit die veld daar aan 30 en sê vir Jakob: "Laat my gou van die rooi goed wegsluk, van daardie rooi goed. Ek is doodmoeg!"

Daarom is hy Edom genoem.

31 Toe sê Jakob vir hom: "Verkoop eers jou reg as eersgeborene aan my."

32 Esau het geantwoord: "Ek gaan tog sterf. Wat baat dit my om die eersgeborene te wees?"

33 Jakob sê toe vir hom: "Beloof my nou met 'n eed dat jy jou reg as eersgeborene aan my oormak."

Esau het dit gedoen en so sy reg as eersgeborene aan Jakob verkoop. 34 Daarna het hy vir Esau brood en lensiesop gegee, en hy het geëet. Toe hy klaar was, het hy uitgestap. Dit is hoe min Esau gedink het van sy reg as eersgeborene.

## **1 Johannes 2:15-17**


Moenie die sondige wêreld en die dinge van die wêreld liefhê nie. As iemand die wêreld liefhet, is die Vader se liefde nie in hom nie. 16 Die wêreldse dinge – alles wat die sondige mens begeer, alles wat sy oë sien en begeer, al sy gesteldheid op besit – kom nie van die Vader nie, maar uit die wêreld. 17 En die wêreld met sy verleidelike dinge gaan verby, maar wie die wil van God doen, bly ewig lewe.



Teken of skryf iets wat jy uit hierdie verse geleer het:



Skryf jou gebed vir vandag neer:





# WOENSDAG - WEEK 1

LEES

## Genesis 26:34-28:9


Toe Esau veertig was, het hy getrou met Jehudit dogter van Beëri, 'n Hetiet, en met Basemat dogter van Elon, 'n Hetiet. 35 Hulle het baie kommer in Isak en Rebekka se lewe gebring.

1 Toe Isak baie oud en al blind was, het hy sy oudste seun, Esau, geroep en vir hom gesê: "My seun!" en Esau het geantwoord: "Hier is ek!"

2 Isak het vir hom gesê: "Kyk, ek is al oud en ek weet nie wanneer ek gaan sterf nie. 3 Vat nou jou skietgoed, jou pyl en boog, en gaan veld toe en skiet vir my 'n stukkie wild. 4 Kom maak dit dan vir my lekker gaar soos ek daarvan hou en bring dit vir my dat ek dit kan eet en jou kan seën voor ek sterf."

5 Rebekka het gehoor wat Isak met sy seun Esau praat en toe Esau veld toe is om te gaan jag, 6 het sy met haar seun Jakob gepraat en vir hom gesê: "Luister, ek het gehoor jou pa praat met jou broer Esau. Hy het vir hom gesê: 7 'Gaan haal vir my 'n stukkie wild en maak dit vir my lekker gaar dat ek dit kan eet en ek jou dan in die teenwoordigheid van die Here kan seën voor ek sterf.' 8 Nou moet jy na my luister, my seun, en doen wat ek jou sê. 9 Gaan na die kleinvee toe en bring vir my twee vet bakkies. Dan sal ek hulle lekker gaarmaak soos jou pa daarvan hou. 10 Jy moet dit dan vir hom vat dat hy dit kan eet en jou kan seën voor hy sterf." 11 Toe sê Jakob vir sy ma Rebekka: "Maar my broer Esau is harig en ek is glad. 12 Miskien sal Pa aan my voel en dan dink ek skeer die gek met hom, en so sal ek 'n vervloeking oor my bring en nie 'n seën nie." 13 Sy ma het vir hom gesê: "As daar 'n vervloeking is, sal dit oor my kom, my seun. Luister jy net na my en loop vang die bakkies vir my."

14 Hy het die bakkies gaan vang en vir sy ma gebring, en sy het hulle lekker voorberei soos sy pa daarvan hou. 15 Toe vat Rebekka haar oudste seun Esau se beste klere wat sy by haar in die huis gehad het en trek dit vir haar jongste seun Jakob aan. 16 Sy het




die bokvelletjies om sy hande en om sy kaal nek vasgemaak 17 en die lekkerny en die kos wat sy voorberei het, vir Jakob gegee. 18 Hy het toe na sy pa toe ingegaan en gesê: “Pa!”

Toe sê hy: “Ja, watter seun is jy?” 19 Jakob het sy pa geantwoord: “Ek is Esau, Pa se oudste seun. Ek het gedoen wat Pa gesê het. Kom sit nou regop en eet van my wildsvleis sodat Pa my dan kan seën.” 20 Maar Isak het vir hom gevra: “Hoe het jy dan die wild so gou gekry, my seun?” en Jakob het geantwoord: “Die Here u God het my dit laat raakloop.” 21 Toe sê Isak vir Jakob: “Kom nader dat ek aan jou kan voel, my seun, of jy my seun Esau is of nie.” 22 Jakob het nader gegaan na sy pa Isak toe, en toe hy aan hom voel, sê hy: “Die stem, dis Jakob se stem, maar die hande, dis Esau se hande.” 23 Isak het nie vir Jakob herken nie, want sy hande was harig soos sy broer Esau s’n. Isak het toe vir Jakob geseën. 24 Isak het vir hom gesê: “Jy is tog my seun Esau!” en Jakob het gesê: “Ek is.” 25 Toe sê Isak: “Gee die wild aan dat ek daarvan kan eet, my seun, en jou dan kan seën.”

Hy het dit vir hom aangegee en Isak het geëet, en Jakob het vir hom wyn gebring, en hy het dit gedrink. 26 Isak het vir hom gesê: “Kom nader en soen my, my seun!” 27 Hy het nader gekom en hom gesoen, en toe hy die reuk kry van die klere wat Jakob aanhet, het Isak hom geseën en gesê:

“Kyk, die reuk van my seun is soos die veld se reuk, die veld wat deur die Here geseën is.  
28 God gee aan jou dou uit die hemel,  
die rykdom van die aarde: koring en wyn in oorvloed.  
29 Volke sal jou dien, nasies sal voor jou buig;  
oor jou familie sal jy heers, jou broers sal voor jou buig.  
Wie vervloeking oor jou uitspreek, sal self vervloek wees,  
wie jou seën, sal geseën wees.”



30 Toe Isak vir Jakob klaar geseën het, en hy nog skaars by sy pa Isak uit was, kom sy broer Esau terug van die jag af. 31 Ook hy het 'n lekker ete voorberei en dit vir sy pa gevat. Esau het vir sy pa gesê: “Sit regop, Pa, en eet van Pa se seun se wildsvleis sodat Pa my dan kan seën.” 32 Toe vra sy pa Isak: “Wie is jy?” en hy antwoord: “Pa se seun Esau, Pa se oudste.” 33 Isak was toe baie



onsteld en hy vra: "Maar wie het dan die wild geskiet en vir my gebring? Ek het daarvan geëet net voor jy gekom het. Ek het hóm geseën, en hy sal geseën bly."

34 Toe Esau hoor wat sy pa sê, het hy hard en bitter begin skree en by sy pa gepleit: "Pa, seën my tog ook!" 35 Maar Isak sê vir hom: "Jou broer het my kom bedrieg en toe het hy jou seën gevat." 36 Esau het geantwoord: "Hy word tereg Jakob genoem. Hy het my nou al twee keer bedrieg: hy het my reg as eersgeborene gevat en nou het hy my seën gevat." Toe vra Esau: "Het Pa nie nog 'n seën vir my ook nie?"

37 Isak het vir hom gesê: "Ek het hom alreeds aangestel om oor jou te heers en ek het sy hele familie vir hom as onderdane gegee. Ek het hom van koring en wyn voorsien. Daar is niks wat ek vir jou kan doen nie, my seun." 38 Esau het toe vir sy pa gesê: "Pa, het Pa dan net een seën? Seën my tog ook, Pa!" Toe Esau daarna begin huil, 39 sê sy pa Isak vir hom:


"Jou woonplek sal ver van die aarde se rykdom af wees, en ook ver van die dou uit die hemel af.


40 Jy sal van oorlog leef en jy sal jou broer dien, maar as jy jou kans afwag, sal jy sy juk van jou nek afgooi."

41 Esau het vir Jakob gehaat oor die seën wat sy pa aan hom gegee het, en Esau het by homself gesê: "My pa se dood is nie meer ver nie, dan maak ek my broer Jakob dood."

42 Daar is aan Rebekka vertel wat haar oudste seun gesê het. Sy het toe haar jongste seun Jakob laat roep en vir hom gesê: "Pas op! Jou broer Esau is op wraak uit. Hy wil jou vermoor. 43 Luister, my seun! Vlug Haran toe, na my broer Laban toe, 44 en bly 'n ruk by hom tot jou broer se woede oor is. 45 As sy bui oor jou gesak het en hy vergeet het wat jy hom aangedoen het, sal ek stuur en jou daarvandaan laat haal. Waarom moet ek julle altwee op een dag verloor?"

46 Rebekka het vir Isak gesê: "Ek is nou siek en sat van hierdie Hetitiese vrouens van Esau. As Jakob ook met Hetitiese meisies trou, met meisies soos hulle uit hierdie land, kan ek net so wel sterf."






1 Toe roep Isak vir Jakob en neem van hom afskeid en sê vir hom: "Jy mag nie met 'n Kanaänitiese meisie trou nie. 2 Gaan na Paddan-Aram toe, na die huis van jou ma se pa Beteul toe, en trou daar met 'n dogter van jou oom Laban. 3 God die Almagtige sal jou seën: Hy sal jou vrugbaar maak en jou 'n groot nageslag gee. Jy sal 'n baie groot volk word. 4 Hy sal jou die seën laat toekom wat Hy aan Abraham gegee het: jy en jou nageslag sal die land waarin jy woon, as besitting ontvang, die land wat God aan Abraham gegee het." 5 So het Isak toe vir Jakob weggestuur, en hy is na Paddan-Aram toe, tot by die Arameër Beteul se seun Laban, broer van Rebekka die ma van Jakob en Esau.

6 Esau het te wete gekom dat Isak afskeid geneem het van Jakob en dat Isak hom na Paddan-Aram toe gestuur het om daar te gaan trou, want toe Isak vir Jakob gegroet het, het hy vir hom gesê: "Jy mag nie met 'n Kanaänitiese meisie trou nie."

7 Toe Esau verneem dat Jakob na sy pa en ma geluister het en na Paddan-Aram toe is, 8 het Esau geweet dat sy pa Isak nie van die Kanaänitiese meisies gehou het nie. 9 Daarom het Esau na Ismael toe gegaan, en by die vrouens wat hy gehad het, nog 'n vrou gevat: Magalat dogter van Ismael, Abraham se seun. Sy was die suster van Nebajot.

### **Romeine 9:6-18**

Dit wil nie sê dat die woord van God nie meer geld nie. Immers, nie almal wat van Ismael afstam, is werklik Israel nie; 7 en nie almal wat nakomelinge van Abraham is, is werklik kinders van Abraham nie. Inteendeel, die belofte was: "Uit Isak sal daar vir jou 'n nageslag kom." 8 Dit wil sê: Dit is nie die kinders wat in die gewone gang van die lewe gebore is, wat kinders van God is nie; dit is die kinders wat kragtens die belofte van God gebore is, wat as Abraham se nageslag gereken word. 9 Die woorde: "Op dié tyd sal Ek weer kom, en dan sal Sara 'n seun hê," was immers 'n belofte. 10 En dis nie al nie. Rebekka was net een keer swanger, deur ons voorvader Isak. 11-13 Toe haar kinders nog nie gebore was nie en ook nog niks goeds of kwaads gedoen het nie, toe is al vir haar gesê: "Die oudste sal die jongste dien." Daar staan ook geskrywe: "Vir Jakob het Ek liefgehad, maar vir Esau





het Ek gehaat." Die besluit van God is gegrond op uitverkiesing; dit hang dus nie af van wat 'n mens doen nie, maar van Hom wat jou roep.

14 Wat moet ons hieruit aflei? Dat God onregverdig is? Beslis nie!

15 Vir Moses het Hy gesê:

"Ek sal barmhartig wees  
oor wie Ek barmhartig wil wees,  
en Ek sal My ontferm oor wie Ek My wil ontferm."

16 Dit hang dus nie af van 'n mens se wil of strewe nie, maar van God wat barmhartig is. 17 In die Skrif sê God immers vir die farao: "Juis hiervoor het Ek jou teen My in opstand laat kom: dat Ek in jou my krag kan toon en dat my Naam oor die hele aarde verkondig kan word." 18 Dit is dus inderdaad so dat God Hom ontferm oor wie Hy wil, en dat Hy verhard wie Hy wil.





Teken of skryf iets wat jy uit hierdie verse geleer het:



Skryf jou gebed vir vandag neer:



# DONDERDAG - WEEK 1



LEES

## **Genesis 28:10-22**

Jakob is van Berseba af weg na Haran toe. 11 Teen sononder het hy by 'n plek gekom waar hy kon oornag. Hy het daar 'n klip vir 'n kopkussing gebruik en gaan lê en slaap. 12 Hy het gedroom: 'n leer staan op die aarde en die punt van die leer raak aan die hemel, en engele van God klim op en af met die leer. 13 Toe kom staan die Here by Jakob en sê: "Ek is die Here die God van jou voorvader Abraham, die God van Isak. Ek sal die grond waarop jy lê, vir jou en jou nageslag gee. 14 Hulle sal so baie wees soos die stof van die aarde, en jy sal jou gebied na alle kante toe uitbrei, en in jou en jou nageslag sal al die volke van die aarde geseën wees. 15 Ek is by jou en Ek sal jou beskerm waar jy ook al gaan. Ek sal jou na hierdie land toe terugbring. Ek sal jou nie in die steek laat nie. Ek sal doen wat Ek jou beloof het."

16 Jakob het wakker geskrik en gesê: "Die Here is op hierdie plek, en ek het dit nie besef nie."

17 Jakob het bang geword en gesê: "Hoe skrikwekkend is hierdie plek! Dit is niks anders nie as die huis van God; dit is die poort van die hemel."

18 Die volgende môre het Jakob opgestaan en hy het die klip wat sy kopkussing was, gevat en dit regop gesit. Toe giet hy olie op die bopunt daarvan uit. 19 Hy het die plek Bet-El genoem. Die stad was voorheen bekend as Lus. 20 Jakob het toe 'n gelofte afgelê en gesê: "As U, o God, by my is en my beskerm op my reis en vir my kos en klere gee, 21 sodat ek behoue terugkom by my ouerhuis, sal U, Here, My God wees. 22 Hierdie klippilaar wat ek regop gesit het, sal 'n tempel wees, en van alles wat U my gee, sal ek vir U 'n tiende gee."





Teken of skryf iets wat jy uit hierdie verse geleer het:



Skryf jou gebed vir vandag neer:



# VRYDAG - WEEK 1

LEES

## Genesis 29:1-30


Jakob het sy reis voortgesit na die land van die mense in die ooste toe. 2 Hy het onverwags uitgekom by 'n put in die veld waar drie troppe kleinvee lê. Die wagters het die kleinvee by hierdie put laat suip. Daar was 'n groot klip op die bek van die put, 3 en wanneer al die veetroppe daar bymekaar is, rol die wagters die klip weg en dan gee hulle vir die vee water. Daarna sit hulle weer die klip terug op sy plek op die bek van die put.

4 Jakob het hulle gevra: "Van waar is julle, my vriende?" Hulle het geantwoord: "Ons is van Haran." 5 Toe vra hy vir hulle: "Ken julle vir Laban uit die geslag van Nahor?" en hulle antwoord: "Ons ken hom." 6 Hy vra hulle toe: Hoe gaan dit met hom?" en hulle antwoord: "Goed, hier kom sy dogter Ragel nou net aan met die kleinvee." 7 Toe sê Jakob: "Die son sit nog hoog en dis nog nie tyd om die kleinvee in die kraal te jaag nie. Laat hulle suip en vat hulle om te wei." 8 Maar die wagters antwoord: "Ons kan hulle nie laat suip voor al die troppe hier bymekaar is nie. Dan word die klip van die bek van die put afgerol en laat ons die vee suip."

9 Terwyl hy nog met hulle staan en praat, kom Ragel daar aan met haar pa se kleinvee. Sy het hulle opgepas. 10 Toe Jakob vir Ragel, die dogter van sy ma se broer Laban, sien met haar pa se kleinvee, het Jakob nader gekom en die klip van die put af weggerol en Laban se kleinvee laat suip. 11 Daarna het Jakob vir Ragel gesoen en toe het hy begin huil. 12 Nadat hy vir haar gesê het hy is familie, Rebekka se seun, het sy gehardloop en dit vir haar pa gaan vertel. 13 Toe hy hoor dat Jakob sy susterskind is, het hy na hom toe gehardloop, hom omhels en gesoen. Laban het hom na sy huis toe gevat, en toe vertel Jakob hom alles. 14 Laban het geantwoord: "Dit is reg. Hy is bloedfamilie!"

Nadat Jakob 'n maand lank by hom gebly het, 15 het Laban vir Jakob gesê: "Jy is familie, maar dit beteken nie dat jy vir my verniet moet werk nie. Sê vir my wat moet ek jou betaal."

16 Laban het twee dogters gehad. Die oudste was Lea en die jongste Ragel. 17 Lea het sagte oë gehad, maar Ragel was mooi gebou. Sy was beeldskoon. 18 Jakob het haar liefgehad en hy het vir Laban gesê: "Ek sal sewe jaar vir u werk vir u jongste dogter Ragel."



19 Toe sê Laban: "Goed! Ek sal haar liever met jou laat trou as met enige ander man. Bly hier by my."

20 Jakob het toe sewe jaar gewerk vir Ragel, en dit was vir hom soos 'n paar dae, want hy het haar liefgehad.

21 Daarna het hy vir Laban gesê: "Gee my nou my vrou. Die tyd is verby. Ek wil nou met haar trou."


22 Laban het al die mense van die omgewing bruilof toe genooi, 23 maar die aand van die troue het hy sy dogter Lea gevat en haar na Jakob toe gebring, en hy het met haar gemeenskap gehad. 24 Laban het sy slavin Silpa vir sy dogter Lea as persoonlike slavin saamgegee. 25 Die môre sien Jakob toe dis al die tyd Lea. Toe vra hy vir Laban: "Wat het u my aangedoen? Het ek nie by u gewerk vir Ragel nie? Waarom het u my bedrieg?"

26 Laban het geantwoord: "By ons is dit nie die gebruik dat 'n mens jou jongste dogter voor die oudste laat trou nie. 27 Wag net hierdie week, dan gee ek die jongste ook vir jou as jy nog sewe jaar by my sal werk."

28 Jakob het ingestem en daardie week gewag. Toe gee Laban sy dogter Ragel vir hom as vrou. 29 Laban het sy slavin Bilha vir sy dogter Ragel as persoonlike slavin saamgegee. 30 Jakob het ook met Ragel gemeenskap gehad. Hy het vir Ragel baie liever gehad as vir Lea en nog sewe jaar by Laban gewerk.

### **Galasiërs 6:6-10**

Iemand wat onderrig ontvang in die woord van God, moet sy leermeester laat deel in al die goeie dinge wat hy het. 7 Moenie jouself mislei nie: God laat nie met Hom spot nie. Wat 'n mens saai, dit sal hy ook oes. 8 Wie op die akker van sy sondige natuur saai, sal van die sondige natuur dood en verderf oes. Maar wie op die akker van die Gees saai, sal van die Gees die ewige lewe oes. 9 Laat ons dan nie moeg word om goed te doen nie, want as ons nie verslap, sal ons op die bestemde tyd ook die oes insamel. 10 Solank ons die geleentheid het, moet ons dus aan almal goed doen, veral aan ons medegelowiges.



### **Hebreërs 12:6**

"want die Here tug hom wat Hy liefhet, Hy straf elkeen wat Hy as kind aanneem."



Teken of skryf iets wat jy uit hierdie verse geleer het:



Skryf jou gebed vir vandag neer:



# HIERDIE WEEK HET EK GELEER...

Gebruik die spasie hier onder om 'n prentjie te teken of te skryf  
oor wat jy hierdie week uit God se Woord geleer het.







A decorative border of stylized leaves and branches surrounds the central text area.

## WEEK 2

AANGESIEN JULLE  
SAAM MET CHRISTUS  
UIT DIE DOOD  
OPGEWEK IS, MOET  
JULLE STREWE NA DIE  
DINGE DAARBO WAAR  
CHRISTUS IS, WAAR HY  
AAN DIE REGTERHAND  
VAN GOD SIT. RIG  
JULLE GEDAGTES  
OP DIE DINGE WAT  
DAARBO IS, NIE OP  
DIE DINGE WAT OP DIE  
AARDE IS NIE, WANT  
JULLE HET GESTERWE,  
EN JULLE LEWE IS  
SAAM MET CHRISTUS  
VERBORGE IN GOD.

KOLOSSENSE 3:1-3

## MAANDAG - WEEK 2

LEES

### Genesis 29:31-30:24

Toe die Here sien dat Jakob nie vir Lea liefhet nie, het die Here vir haar kinders gegee, terwyl Ragel kinderloos gebly het. 32 Lea het swanger geword en 'n seun in die wêreld gebring en hom Ruben genoem, "want," het sy gesê, "die Here het my smart raakgesien. Nou sal my man my liefhê."

33 Lea het weer swanger geword en 'n seun in die wêreld gebring en sy het gesê: "Die Here het gehoor dat ek nie liefde ontvang nie. Daarom het Hy my hierdie seun gegee." Sy het hom Simeon genoem.

34 Sy het weer swanger geword en 'n seun in die wêreld gebring. Toe sê sy: "Na hierdie keer sal my man aan my gebind wees, want ek het nou al drie seuns vir hom in die wêreld gebring." Daarom het sy die seun Levi genoem.

35 Sy het nog 'n keer swanger geword en 'n seun in die wêreld gebring. Sy het gesê: "Hierdie keer prys ek die Here." Daarom het sy die seun Juda genoem.

Daarna het sy vir eers nie weer kinders gehad nie.

1 Toe Ragel merk dat sy nie vir Jakob kinders in die wêreld bring nie, het sy jaloers geword op haar suster. Ragel het vir Jakob gesê: "Gee vir my seuns, anders sterf ek." 2 Jakob het hom vererg vir Ragel en vir haar gevra: "Kan ek God se werk oorneem? Dit is Hy wat sorg dat jy nie swanger word nie." 3 Ragel het vir hom gesê: "Hier is my slavin Bilha. Hou gemeenskap met haar sodat sy haar kind op my knieë in die wêreld kan bring en ek deur haar 'n kind kan hê."

4 Ragel het vir Bilha aan Jakob gegee as vrou en hy het met haar gemeenskap gehad. 5 Sy het swanger geword en vir Jakob 'n seun in die wêreld gebring. 6 Toe sê Ragel: "God het in my guns uitspraak gelewer, Hy het my gebed verhoor en vir my 'n seun gegee." Daarom het sy hom Dan genoem.

7 Bilha die slavin van Ragel het weer swanger geword en 'n tweede seun vir Jakob in die wêreld gebring. 8 Ragel het toe gesê: "Ek was in 'n bitter swaar stryd gewikkel met my suster, maar ek het gewen."

Toe noem sy die seun Naftali.

9 Toe Lea besef sy bring nie meer kinders in die wêreld nie, het sy haar slavin Silpa gevat en vir Jakob gegee as vrou. 10 Sy het vir hom 'n seun in die wêreld gebring, 11 en Lea het gesê: "Nou is ek gelukkig!"



Sy het die seun Gad genoem.

12 Daarna het Lea se slavin Silpa 'n tweede seun vir Jakob in die wêreld gebring, 13 en Lea het gesê: "Hoe gelukkig is ek. Die vrouens sal my Die Gelukkige noem!" Toe noem sy die seun Aser.


14 Op 'n keer het Ruben in die oestyd veld toe gegaan en liefdesappels gepluk. Hy het dit vir sy ma Lea gebring. Ragel het vir haar gesê: "Gee vir my van die liefdesappels wat jou seun gebring het." 15 Toe vra Lea vir haar: "Is jy nie daarmee tevrede dat jy my man gevat het nie? Wil jy nou nog ook die liefdesappels vat wat my seun gebring het?" Daarop het Ragel geantwoord: "In ruil daarvoor mag Jakob vannag by jou slaap." 16 Toe Jakob die aand van die veld af kom, gaan Lea hom tegemoet en sê vir hom: "Jy moet na my toe kom, want om jou te kry, het ek die volle prys betaal met die liefdesappels wat my seun gebring het." Daardie nag het Jakob toe by haar geslaap. 17 God het Lea se gebed verhoor, en sy het swanger geword en 'n vyfde seun vir Jakob in die wêreld gebring. 18 Sy het gesê: "God het my 'n loon gegee omdat ek my slavin aan my man gegee het."

Toe noem sy die seun Issaskar.

19 Lea het weer swanger geword en 'n sesde seun vir Jakob in die wêreld gebring. 20 Toe sê sy: "God het hierdie keer 'n mooi geskenk aan my gegee. Nou sal my man by my bly, want ek het ses seuns vir hom in die wêreld gebring." Toe noem sy die seun Sebulon.

21 Daarna het sy 'n dogter in die wêreld gebring en haar Dina genoem.

22 God het op Ragel ag geslaan en haar gebed verhoor. Hy het haar nie langer kinderloos gelaat nie. 23 Sy het swanger geword en 'n seun in die wêreld gebring en toe sê sy: "God het my skande weggeneem." 24 Toe noem sy die seun Josef, "want," het sy gesê, "die Here sal my nog 'n seun gee."



### **Kolossense 3:1-3**

Aangesien julle saam met Christus uit die dood opgewek is, moet julle strewe na die dinge daarbo waar Christus is, waar Hy aan die regterhand van God sit. 2 Rig julle gedagtes op die dinge wat daarbo is, nie op die dinge wat op die aarde is nie, 3 want julle het gesterwe, en julle lewe is saam met Christus verborge in God.



Teken of skryf iets wat jy uit hierdie verse geleer het:



Skryf jou gebed vir vandag neer:



## DINSDAG - WEEK 2

LEES

### Genesis 30:25-43


Nadat Ragel vir Josef in die wêreld gebring het, het Jakob vir Laban gesê: "Laat my trek. Ek wil na my geboorteland toe gaan. 26 Gee my nou my vrouens en kinders vir wie ek by u gewerk het, want ek wil weggaan. U weet hoe goed ek vir u gewerk het."

27 Maar Laban het vir hom gesê: "Dink tog aan wat jy vir my beteken. Ek het die tekens gelees en agtergekom dat die Here my seën om jou ontwil." 28 Verder het Laban vir Jakob gesê: "Stel self jou loon vas, en ek betaal jou dit om vir my te werk."

29 Daarop sê Jakob vir hom: "U weet hoe ek vir u gewerk het, en hoe dit met u kudde gegaan het terwyl ek by hulle was. 30 Die bietjie wat u gehad het voor ek gekom het, het baie geword, want die Here het u geseën vandat ek by u gekom het. Wanneer sal ek vir my huis kan begin werk?"

31 Toe vra Laban: "Wat moet ek jou betaal?" en Jakob antwoord: "U hoef my niks te betaal nie. Ek sal weer u kleinvee oppas as u my dit wil laat doen. 32 Ek sal vandag al u kleinvee deurgaans om al die gestreepte en bont skaaplammers en al die swart skape en die bont en gestreepte bokke af te keer. Dit sal my betaling wees. 33 Wanneer u dan eendag kom kyk na wat ek by u verdien het, sal dit duidelik wees of ek eerlik was of nie: alles onder my bokke wat nie gestreep of bont is nie, en al die skape wat nie swart is nie, sal vee wees wat ek gesteel het." 34 Laban het geantwoord: "Goed! Laat dit wees soos jy gesê het."

35 Maar dieselfde dag nog het Laban al die gevlekte en bont bokramme en al die gestreepte en bont bokooie afgekeer en ook alles waaraan iets wits was en al die swart skape, en dit alles onder die sorg geplaas van sy seuns. 36 Hy het hierdie trop van hom op 'n afstand van drie dae se trek van Jakob af laat oppas. Jakob self het Laban se ander vee opgepas.



37 Jakob het toe jong lote van populiere, amandels en plataanbome gevat en stroke daarvan afgeskil, sodat daar wit strepe op die lote was. 38 Hy het die lote wat hy so afgeskil het, in die waterkrippe gesit, reg voor die kleinvee waar hulle kom suip het. Wanneer die ooie dan op hitte kom en kom suip, 39 is hulle by die lote gedek en het hulle gevlekte en gestreeppte en bont lammers gekry. 40 Jakob het die skape uitgekeer en hulle laat kyk in die rigting van die gevlekte en swart vee van Laban. So het Jakob vir hom sy eie kuddes opgebou en hy het hulle nie by Laban se kleinvee laat kom nie. 41 Wanneer die sterk diere gedek moes word, het Jakob die lote voor hulle in die krippe gesit sodat hulle by die lote gedek kon word. 42 Maar hy het nie die lote by die swak diere gesit nie. So het dit gekom dat Laban die swakkes gekry het en Jakob die sterkes. 43 Die man het al hoe ryker geword. Hy het baie kleinvee, slavinne, slawe, kamele en donkies gehad.

### **Spreuke 3:1-12**

My seun, wat ek jou leer moet jy nie vergeet nie, hou vas aan wat ek jou voorskryf, 2 want dit sal vir jou 'n lang lewe verseker, dit sal maak dat jy 'n vol lewe het. 3 Moenie dat liede en trou by jou ontbreek nie; leef daarmee saam, maak dit 'n deel van jou lewe. 4 So sal jy guns verwerf en byval vind by God en mens.


5 Vertrou volkome op die Here en moenie op jou eie insigte staatmaak nie. 6 Ken Hom in alles wat jy doen en Hy sal jou die regte pad laat loop. 7 Moenie dink jy het die wysheid in pag nie, dien die Here en vermy wat sleg is: 8 dit is die geneesmiddel vir jou, die verkwikking vir jou liggaam. 9 Vereer die Here met offerandes uit al wat jy besit en met die beste uit jou oes, 10 dan sal jou skure oorvol wees en jou parskuipe oorloop van die wyn.

11 My seun, aanvaar die straf wat van die Here kom en moet jou nie teen sy teregwyding verset nie, 12 want die Here straf die mens wat Hy liefhet net soos 'n vader doen met sy seun.






Teken of skryf iets wat jy uit hierdie verse geleer het:



Skryf jou gebed vir vandag neer:



## WOENSDAG - WEEK 2

LEES

### Genesis 31

Jakob het die seuns van Laban hoor sê: "Jakob het alles gevat wat aan Pa behoort. Hy het hierdie hele rykdom verkry uit wat aan Pa behoort." 2 Jakob het ook aan Laban gemerk dat hy nie meer soos voorheen oor hom voel nie. 3 Toe sê die Here vir Jakob: "Gaan terug na jou vaderland, na jou familie toe. Ek sal by jou wees."

4 Toe laat Jakob vir Ragel en Lea veld toe roep, na sy kleinvee toe. 5 Hy het vir hulle gesê: "Ek merk aan julle pa dat hy nie meer soos voorheen oor my voel nie. Maar die God van my vader was by my. 6 Julle weet dat ek baie hard gewerk het vir julle pa. 7 Tog het hy my bedrieg en my loon kort-kort verander. Maar God het hom nie toegelaat om my te benadeel nie. 8 Wanneer julle pa sê: 'Die gestreepte kleinvee is jou loon,' kry die hele trop gestreepte lammers, en wanneer hy sê: 'Die gevlekte is jou loon,' kry die hele trop gevlekte lammers. 9 So het God die besitting van julle pa gevat en vir my gegee. 10 "In die paartyd van die kleinvee het ek in 'n droom gesien dat die ramme waardeur die ooie gedek word, gevlek, gestreep en gespikkel is. 11 "Die Engel van God jet my in die droom geroep: 'Jakob!' en ek het geantwoord: 'Hier is ek!' 12 "Toe sê Hy vir my: Kyk mooi: al die bokramme waardeur die ooie gedek word, is gevlek, gestreep en gespikkel. Ek het alles gesien wat Laban jou aangedoen het. 13 Ek is die God van Bet-El waar jy olie op 'n klippilaar uitgegiet en 'n gelofte teenoor My afgelê het. Maak klaar en trek weg uit hierdie land. Gaan terug na jou geboorteland toe."

14 Daarop het Ragel en Lea vir Jakob gesê: "Ons het nie meer enige aandeel aan ons vaderhuis nie. 15 Ons word deur Pa as vreemdelinge beskou. Hy het ons verkoop en die geld opgebruik. 16 Al die besittings wat God van hom afgevat het, is ons en ons kinders s'n. Doen dus gerus maar alles wat God vir jou gesê het."

17 Jakob het toe klaargemaak en sy vrouens en kinders op kamele laat klim, 18 en hy het al sy vee saamgevat en ook al sy



besittings wat hy in Paddan-Aram bymekaargemaak het, en na sy pa, na Isak toe vertrek in Kanaän.


19 Laban was weg om sy skape te gaan skeer. Toe steel Ragel haar pa se afgodsbeeldjies. 20 Jakob het ook vir Laban die Arameër bedrieg deur hom nie te vertel van sy vlug nie. 21 Jakob het gevlug met alles by hom. Hy het deur die Eufraatrivier getrek en koers gekies Gileadberg toe.

22 Drie dae later is aan Laban vertel dat Jakob gevlug het. 23 Laban het die mans in sy familie saamgevat en vir Jakob agternagesit. Na sewe dae het Laban hom ingehaal by Gileadberg. 24 Dié nag het God in 'n droom na Laban die Arameër toe gekom en vir hom gesê: "Wees versigtig met wat jy vir Jakob sê!"

25 Toe Laban by Jakob kom, was sy kamp opgeslaan by Gileadberg, en Laban-hulle het ook daar kamp opgeslaan. 26 Hy het vir Jakob gesê: "Wat het jy gedoen? Jy het my bedrieg en my dogters weggevat asof hulle krygsgevangenes is. 27 Waarom het jy in die geheim gevlug? Jy het my bedrieg en my niks vertel nie. Ek sou jou laat vertrek het met 'n fees en met liedere, met tamboeryne en met liere. 28 Jy het my nie eens toegelaat om my kleinkinders en my dogters te groet nie. Jy het 'n ongehoorde ding gedoen. 29 Ek het die mag om julle kwaad aan te doen, maar die God van jou voorvaders het verlede nag vir my gesê: 'Wees versigtig met wat jy vir Jakob sê.' 30 Maar nou, as jy weggetrek het net omdat jy so baie verlang na jou familie, waarom het jy dan my gode gesteel?"

31 Toe sê Jakob vir Laban: "Ek het gevlug, want ek was bang, ek het gedink u sal u dogters van my af wegvat. 32 Maar die een by wie u u gode kry, moet sterf. Kyk hier waar ons familie bystaan wat daar van u by my is en vat dit saam terug." Jakob het nie geweet dat Ragel die gode gesteel het nie.

33 Laban het niks in Jakob se tent gekry nie, ook nie in dié van Lea en in dié van die twee persoonlike slavinne nie. Laban is toe uit Lea se tent uit na Ragel s'n toe. 34 Ragel het die afgodsbeeldjies gevat en onder die kameelsaal gesit en daarop gaan sit. Laban het haar hele tent behoorlik gefynkam maar niks gekry nie. 35



Toe sê Ragel vir hom: “Pa moet tog nie vir my kwaad word nie, want ek kan nie vir Pa opstaan nie: ek is siek, soos dit maar elke maand met 'n vrou gaan.” Laban het toe verder rondgesoek, maar nie die afgodsbeedties gekry nie.

36 Toe word Jakob kwaad en hy verwyf vir Laban: “Wat het ek verkeerd gedoen? Waar het ek oortree dat u my agternagesit het? 37 U het my besittings gefynkam. Wat het u gekry uit u huis kom? Sit dit hier voor ons familie neer sodat hulle as regters tussen ons twee kan optree.


38 “Dit is nou twintig jaar dat ek by u was. U skaapooie en u bokooie het gereeld gelam, en ek het nie u skaapramme geslag nie. 39 Wat deur wilde diere verskeur is, het ek nie na u toe gebring nie, ek moes dit vervang. Wat oordag of in die nag gesteel is, het u van my geëis. 40 Bedags het die hitte my verrinneweer en snags die koue, ek kon nie slaap nie. 41 Dis nou twintig jaar dat ek in u huis is: veertien jaar het vir u gewerk vir u twee dogters en ses vir kleinvee uit u trop, en u het my betaling kort-kort verander. 42 As die God van my voorvaders, die God van Abraham, die Beskermer van Isak, nie by my was nie, sou u my met leë hande weggestuur het. Maar God het gesien hoe swaar ek gekry het en hoe hard ek gewerk het en Hy het verlede nag in my guns uitspraak gelewer.”

43 Laban het vir Jakob geantwoord: “Dit is my dogters en my kinders en my kleinvee: alles wat jy hier sien, is myne. Waarom sou ek vandag my dogters of die kinders wat deur hulle in die wêreld gebring is, iets aandoen? 44 Kom ons maak liever 'n ooreenkoms. Laat daar 'n getuienis wees om ons daaraan te herinner.”

45 Toe vat Jakob 'n klip en sit dit regop neer as herinneringsklip. 46 Hy het vir die mense by hom gesê: “Maak nog klippe bymekaar.” Hulle het dit gedoen en 'n kliphoop gepak. Toe het hulle daar by die kliphoop geëet. 47 Laban het die kliphoop genoem: Jegar-Sahaduta, en Jakob het dit genoem: Galeb.

48 Laban het toe gesê: “Hierdie kliphoop word vandag vir ons 'n getuienis,” en hy het dit Galeb genoem. 49 Laban het ook nog gesê: “Dit is Mispa, want die Here hou 'n oog oor ons wanneer





ons mekaar nie meer kan sien nie. 50 Dan sal jy nie my dogters mishandel nie en ook nie vir jou nog vrouens vat nie. Wanneer daar niemand anders by ons is nie, sal God getuie wees in die saak tussen ons.”

51 Verder het Laban vir Jakob gesê: “Kyk na hierdie kliphoop en kyk na die klippilaar wat ek regop gesit het. Dit staan tussen ons. 52 Hierdie kliphoop is 'n teken en die klippilaar is 'n teken: ek sal nie hier verbygaan na jou toe om jou aan te val nie, en jy sal nie hier verbykom om my aan te val nie. 53 Die God van Abraham, die God van Nahor, die God van hulle twee se vader sal as regter optree.”

Toe het Jakob 'n eed afgelê in die Naam van die Beskermer van Isak. 54 Jakob het daar op die berg geoffer en toe het hy die mense by hom genooi om te eet. Nadat hulle klaar geëet het, het hulle daar by die berg oornag.

55 Vroeg die volgende môre het Laban sy kleinseuns en dogters met seënwense gegroet. Hy het toe vertrek, terug huis toe.

### **1 Johannes 3:18-24**


Liewe kinders, ons liefde moenie net woorde en lippetaal wees nie, maar moet met die daad bewys word, en dan in opregtheid. 19 Hierdeur kan ons ook te wete kom dat ons aan die ware God behoort en kan ons ons gewete voor Hom tot rus bring. 20 As ons gewete ons veroordeel – God is groter as ons gewete, en Hy weet alles.

21 Geliefdes, as ons gewete ons nie veroordeel nie, het ons vrymoedigheid om na God te gaan; 22 en wat ons vra, kry ons van Hom omdat ons sy gebooie gehoorsaam en doen wat Hy goedvind. 23 En dít is sy gebod: Ons moet in sy Seun, Jesus Christus, glo en ons moet mekaar liefhê ooreenkomstig die gebod wat Hy ons gegee het. 24 Wie sy gebooie gehoorsaam, bly in God en God in hom. Hiëraan weet ons dat Hy in ons bly: Hy het ons sy Gees gegee.





Teken of skryf iets wat jy uit hierdie verse geleer het:



Skryf jou gebed vir vandag neer:





## DONDERDAG - WEEK 2

LEES

### Genesis 32:1-21


Jakob het sy koers gegaan, en engele van God het hom teëgekom. 2 Toe Jakob hulle sien, sê hy: "Dit is 'n leër van God," en Jakob het die plek Maganajim genoem.

3 Daarna het Jakob boodskappers vooruitgestuur na sy broer Esau toe, na die Seïrstreek toe, die gebied van Edom. 4 Jakob het vir hulle gesê: "So moet julle vir my geagte broer, vir Esau sê: So sê Jakob wat aan u onderdanig wil wees: Ek het tot nou toe by Laban gebly. 5 Ek besit beeste, donkies, kleinvee, slawe en slavinne. Ek laat u dit weet om te verneem of ek by u welkom sal wees."

6 Die boodskappers het na Jakob toe teruggekom en kom sê: "Ons het by u broer Esau aangekom, maar toe was hy al op pad na u toe met vier honderd man by hom." 7 Jakob het baie bang geword, angs het hom oorval. Toe deel hy die mense by hom, en die kleinvee, die beeste en die kamele in twee groepe, 8 want hy het gedink: as Esau by die eerste groep kom en dit uitwis, kan die ander groep dalk wegkom.

9 Daarna het Jakob gebid: "Here, God van my voorvader Abraham, God van my vader Isak, U wat vir my gesê het om terug te gaan na my land en my familie toe en U sal goed doen aan my, 10 ek is al u gunsbewyse nie werd nie, ook nie die trou waarmee U my versorg het nie. Toe ek destyds deur die Jordaan is, het ek net my kiere gehad, en nou het ek hierdie twee groot groepe. 11 Red my tog uit die mag van my broer Esau, ek is bang vir hom. Hy kan dalk kom en my doodmaak, en ook die moeders en kinders. 12 U het my tog beloof: Ek sal beslis goed dien aan jou, Ek sal jou nageslag so baie maak soos die sand van die see, wat nie getel kan word nie."

13 Jakob het daar oornag en die volgende môre vat hy toe uit sy besitting 'n geskenk vir sy broer Esau: 14 twee honderd bokooie en



twintig bokramme, twee honderd skaapooie en twintig ramme, 15 dertig kameelkoeie met kalwers, veertig koeie en tien bulle, twintig donkiemerries en tien hingste. 16 Hy het elke trop aan 'n slaaf gegee en gesê: "Trek vorentoe, maar hou 'n afstand tussen die troppe." 17 Hy het die voorste slaaf beveel: "Wanneer my broer Esau jou kry en jou vra: 'Wie is jy? Waarvandaan kom jy en aan wie behoort al hierdie goed voor jou?' 18 moet jy sê: Dit behoort aan Jakob wat aan u onderdanig wil wees. Dit word as geskenk aan Meneer gestuur, en hy kom self ook agter ons aan."

19 Jakob het dieselfde opdrag aan die tweede slaaf gegee, en ook aan die derde en aan elkeen wat agter 'n trop was. Jakob het vir hulle gesê: "Wat ek vir die voorste gesê het, moet julle almal vir Esau sê as julle by hom kom. 20 Verder moet julle ook nog sê: Jakob kom agter ons aan. Hy wil aan u onderdanig wees."


Jakob het naamlik gedink: met die geskenk wat voor my uit gaan, sal ek probeer om hom in 'n goeie bui te kry. Dan sal ek na hom toe gaan en miskien ontvang hy my dan vriendelik. 21 So is die geskenk voor Jakob uit gestuur, maar hy het die aand in die kamp oorgebly.

#### **Psalm 56:4-5**

Die dag as ek bang word,  
vertrou ek net op U.  
5 In God, wie se woord ek prys,  
in God stel ek my vertrou,  
ek is nie bang nie.  
Wat kan 'n blote mens aan my doen?

#### **Psalm 56:11-12**

11 In God, wie se woord ek prys,  
in die Here, wie se woord ek prys,  
12 in God stel ek my vertrou,  
ek is nie bang nie.  
Wat kan 'n mens aan my doen?



# DONDERDAG - WEEK 2

**Lees: Genesis 32:1-21; Psalm 56:3-4, 10-11**

**SOAP: Psalm 56:3-4**

Die dag as ek bang word, vertrou ek net op U.  
In God, wie se woord ek prys, in God stel ek my  
vertroue, ek is nie bang nie. Wat kan 'n blote mens  
aan my doen?

Skrif die SOAP verse hier onder neer:

---

---

---

---

---

---

---

---

---

---

---

---

---

---

---

---

---

---

---

---

---

---

---

---

Teken of skryf iets wat jy uit hierdie verse geleer het:



Skryf jou gebed vir vandag neer:



## VRYPDAG - WEEK 2

LEES

### Genesis 32:22-32

Die nag het hy opgestaan en sy twee vrouens en sy twee persoonlike slavinne en sy elf kinders gevat en deur Jabbokdrif gegaan. 23 Nadat hy hulle deur die rivier gevat het, het hy ook alles wat hy besit, laat deurgaan. 24 Jakob het alleen daar agtergebly, en 'n man het tot dagbreek met hom gestoei. 25 Toe die man agterkom dat hy nie vir Jakob kan wen nie, het die man, terwyl hy met hom stoei, vir Jakob teen die heup geslaan sodat dit uit die potjie gespring het.

26 Die man het vir Jakob gesê: “Los my, want die dag breek.”

Jakob het geantwoord: “Ek sal jou net los as jy my seën.”

27 Toe vra die man: “Wat is jou naam?” en hy antwoord: “Jakob.”

28 Die man het gesê: “Jy sal nie meer Jakob genoem word nie, maar Israel, want jy het teen God en teen mense 'n stryd gevoer en jy het dit end-uit volgehou.”

29 Toe sê Jakob: “Sê my tog jou naam,” en die man vra: “Waarom vra jy my naam?”

Hy het vir Jakob net daar geseën, 30 en Jakob het die plek Pniël genoem, “want,” het hy gesê “ek het God van aangesig tot aangesig gesien en tog het ek nie omgekom nie.”

31 Net toe Jakob by Pniël verbygaan, het die son opgekom. Jakob het mank gebly aan sy heup, 32 en daarom eet die Israeliete tot nou toe nie die senuweebondel wat aan die heup vaskom nie, want die man het vir Jakob teen sy heup geslaan, op die heupsenuwee.



Teken of skryf iets wat jy uit hierdie verse geleer het:



Skryf jou gebed vir vandag neer:



# HIERDIE WEEK HET EK GELEER...

Gebruik die spasie hier onder om 'n prentjie te teken of te skryf  
oor wat jy hierdie week uit God se Woord geleer het.





# WEEK 3

## GEBED

Skrif jou gebedsversoeke en  
lofprysings vir die week neer.

### GIDS VIR OUERS

#### MEMORISEERVERS:

Deuteronomium 30:15-16

#### KARAKTER VAN GOD:

God gee ons baie seëninge

#### HOOFBOODSKAP:

Wanneer ons bang is of hulp  
nodig het, kan ons God vra  
en Hy sal ons altyd help.  
Selfs wanneer ons dink dat  
ons nie hulp nodig het nie,  
is dit altyd beter om God  
te vra en Hom te vertrou.

#### HIERDIE WEEK SE SLEUTELFIGURE:

Jakob and Esau

#### WEEKLIKSE TOEPASSING:

Vra altyd vir God vir hulp.

---

---

---

---

---

---

---

---

---

---

---

---

---

---

---

---

---

---

---

---

---

---

---

---

## WEEK 3

“EK HET VANDAG  
DIE LEWE EN DIE  
VOORSPOED, DIE DOOD  
EN DIE TEENSPOED AAN  
JOU VOORGEHOU. AS  
JY DIE HERE JOU GOD  
LIEFHET EN SY WIL  
DOEN DEUR SY GEBOOIE,  
SY VOORSKRIFTE EN SY  
BEPALINGS WAT EK JOU  
VANDAG GEGEE HET, TE  
GEOHOORSAAM, SAL JY  
LEWE EN BAIE WORD EN  
SAL DIE HERE JOU GOD  
JOU VOORSPOEDIG MAAK  
IN DIE LAND WAT JY IN  
BESIT GAAN NEEM.”

DEUTERONOMIUM 30:15-16

# MAANDAG - WEEK 3

LEES

## Genesis 33

Toe Jakob deur die spruit was, het hy vir Esau in die verte sien aankom met vier honderd man by hom. Jakob het die kinders onder Lea en Ragel en die twee persoonlike slavinne verdeel 2 en die slavinne met hulle kinders op die voorpunt gesit. Lea met haar kinders was agter hulle en Ragel en Josef heel agter. 3 Hy self het verbygegaan tot heel voor en toe hy nader na sy broer toe kom, het hy sewe keer diep gebuig. 4 Esau het hom tegemoet gehardloop en hom omhels. Esau het sy arms om Jakob se nek gesit en hom gesoen, en hulle het gehuil. 5 Esau het opgekyk en die vrouens en kinders gesien en toe sê hy: "Wie is al hierdie mense by jou?"

Jakob het geantwoord: "Dit is die kinders wat God in sy liefde aan my gegee het."

6 Die persoonlike slavinne het met hulle kinders nader gekom en gebuig 7 en toe het ook Lea met haar kinders nader gekom en gebuig. Josef en Ragel was heel agter en ook hulle het nader gekom en gebuig.

8 Toe vra Esau: "En wat is jou bedoeling met al daardie goed wat ek gekry het?" en Jakob antwoord: "Dit is om u vriendskap te wen." 9 Maar Esau sê vir hom: "Broer, ek besit self baie. Wat joune is, moet joune bly."

10 Toe sê Jakob: "Nee, as u my goedgesind is, moet u my geskenk aanvaar. Ek het na u toe gekom om u goedgesindheid te wen net soos wanneer 'n mens in die teenwoordigheid van God verskyn. En u het my vriendelik ontvang. 11 Aanvaar tog my geskenk wat vir u gebring is, want God was goed vir my en ek het oorgenoeg." Jakob het by Esau daarop aangedring, en toe aanvaar hy die geskenk.

12 Hy het vir Jakob gesê: "Breek kamp op dat ons verder kan trek. Ek sal vooruit trek om jou te beskerm." 13 Maar Jakob het



hom geantwoord: "U sien tog self die ou kindertjies is maar klein en die lammertjies en die kalwers by my is nog swak. As 'n mens hulle net een dag te hard dryf, is die hele klomp dood. 14 Trek u maar vooruit voor my en dan kom ek op my gemak daaraan. Ek sal volgens die pas van die vee en van die kinders na u toe kom in Seir."

15 Toe sê Esau: "Dan los ek 'n paar van my manne by jou," maar Jakob vra: "Waarom wil u dit doen? U is my tog goedgesind?"

16 Esau is daardie dag nog terug op sy pad Seir toe. 17 Jakob het gaan tent opslaan by Sukkot en daar het hy vir hom 'n huis gebou. Hy het ook takkrale vir sy vee gemaak, en daarom word die plek Sukkot genoem.

18 Nadat Jakob uit Paddan-Aram weg is, het hy veilig by Sigem in Kanaän aangekom. Hy het net buite die stad kamp opgeslaan. 19 Toe koop hy die stuk grond waar sy tent staan, vir honderd geldstukke by die seuns van Gamor, die pa van Sigem. 20 Jakob het daar 'n altaar gebou en dit genoem: Die God van Israel is God.

## **2 Korintiërs 5:16-21**

Ons beoordeel dus van nou af niemand meer volgens menslike maatstaf nie. Al het ons Christus vroeër volgens menslike maatstaf beoordeel, nou beoordeel ons Hom nie meer so nie. 17 Iemand wat aan Christus behoort, is 'n nuwe mens. Die oue is verby, die nuwe het gekom. 18 Dit alles is die werk van God. Hy het ons deur Christus met Homself versoen en aan ons die bediening van die versoening toevertrou. 19 Die boodskap van versoening bestaan daarin dat God deur Christus die wêreld met Homself versoen het en die mense hulle oortredinge nie toereken nie. Die boodskap van versoening het Hy aan ons toevertrou.

20 Ons tree dus op as gesante van Christus, en dit is God wat deur ons 'n beroep op julle doen. Ons smeek julle namens Christus: Aanvaar die versoening met God wat Hy bewerk het!

21 Christus was sonder sonde, maar God het Hom in ons plek as sondaar behandel sodat ons, deur ons eenheid met Christus, deur God vrygespreek kan wees.



Teken of skryf iets wat jy uit hierdie verse geleer het:



Skryf jou gebed vir vandag neer:



## DINSDAG - WEEK 3



LEES

### **Romeine 12:17-21**

Moenie kwaad met kwaad vergeld nie. Wees goedgesind teenoor alle mense. 18 As dit moontlik is, sover dit van julle afhang, leef in vrede met alle mense. 19 Moenie self wraak neem nie, geliefdes, maar laat dit oor aan die oordeel van God. Daar staan immers geskrywe: "Dit is my reg om te straf; Ek sal vergeld," sê die Here.

20 "As jou vyand honger is, gee hom iets om te eet; as hy dors is, gee hom iets om te drink; want deur dit te doen, maak jy hom vuurrooi van skaamte." 21 Moet jou nie deur kwaad laat oorwin nie, maar oorwin die kwaad deur die goeie.





Teken of skryf iets wat jy uit hierdie verse geleer het:



Skryf jou gebed vir vandag neer:



## WOENSDAG - WEEK 3

LEES

### Genesis 35


God het vir Jakob gesê: "Maar jou klaar en gaan na Bet-El toe en bly daar. Bou vir My daar 'n altaar. Ek is die God wat daar aan jou verskyn het toe jy vir jou broer Esau gevlug het." 2 Toe sê Jakob vir sy hele huis en vir almal by hom: "Haal uit al die afgodsbeelde wat by julle is. Reinig julle en trek ander klere aan. 3 Ons moet klaarmaak en Bet-El toe gaan. Daar moet ek 'n altaar gaan bou vir die God wat my gebed verhoor het toe ek in die moeilikheid was en wat by my was waar ek ook al gegaan het."

4 Hulle het toe al die afgodsbeelde in hulle besit vir Jakob gegee en ook hulle ooringe. Hy het dit onder die groot boom by Sigem begrawe. 5 Toe Jakob-hulle wegtrek, het God die mense van die stede in daardie omgewing so bang gemaak vir Jakob en sy seuns dat hulle nie agtervolg is nie.

6 Jakob en al die mense by hom het by Lus aangekom. Dit is die Lus wat in Kanaän geleë is, nou bekend as Bet-El. 7 Hy het daar 'n altaar gebou en die plek El-Bet-El genoem, want God het daar aan hom verskyn toe hy vir sy broer gevlug het. 8 Debora, die vrou aan wie Rebekka as kind gedrink het, het daar gesterf en hulle het haar begrawe onder die groot boom naby Bet-El, en hulle het dit Huilboom genoem.

9 Nadat Jakob uit Paddan-Aram terug was, het God weer aan hom verskyn en hom geseën. 10 God het vir hom gesê: "Jy is Jakob, maar jy sal nie langer Jakob genoem word nie. Jou naam sal Israel wees."

God het hom toe Israel genoem. 11 God het verder vir hom gesê: "Ek is God die Almagtige. Wees vrugbaar en word 'n groot nasie. Baie nasies sal van jou afstam. Jy sal die voorvader wees van konings. 12 Hierdie land wat Ek aan Abraham en aan Isak gegee het, sal Ek aan jou gee en ná jou gee Ek dit aan jou nageslag." 13 Toe het God van Jakob af weggegaan, en op die plek waar God



met hom gepraat het, 14 het Jakob 'n klip regop gesit, presies op die plek waar die Here met hom gepraat het. Hy het 'n drankoffer daarop uitgegiet en ook olie. 15 Hy het die plek waar God met hom gepraat het, Bet-El genoem. 16 Jakob-hulle het van Bet-El af getrek na Efrata toe. Hulle was nog 'n ent daarvandaan toe bring Ragel 'n kind in die wêreld. Dit was 'n moeilike geboorte. 17 Met dié dat Ragel so swaar ly by die bevalling, sê die vroedvrou vir haar: "Moenie bekommerd wees nie. Ook hierdie keer het jy 'n seun!" 18 Maar Ragel was aan die sterf en terwyl sy haar laaste asem uitblaas, noem sy die seuntjie Ben-Oni. Sy pa het hom egter Benjamin genoem. 19 Ragel het gesterf, en sy is begrawe langs die pad na Efrata toe, dit is Betlehem. 20 Jakob het 'n groot klip op haar graf gesit. Dit is die klip wat nou nog op haar graf is.

21 Israel het verder weggetrek en kamp opgeslaan anderkant Migdal-Eder. 22 Terwyl Israel in daardie landstreek gebly het, het Ruben gemeenskap gehad met Bilha, sy pa se slavin vrou. Israel het dit te hore gekom.

Jakob het twaalf seuns gehad.

23 Die seuns van Lea was Ruben, die oudste, Simeon, Levi, Juda, Issaskar en Sebulon.

24 Die Seuns van Ragel was Josef en Benjamin.

25 Die seuns van Ragel se persoonlike slavin Bilha was: Dan en Naftali.

26 Die seun van Lea se persoonlike slavin Silpa was: Gad en Aser.

Dit is Jakob se seuns wat in Paddan-Aram gebore is.


27 Jakob is na sy pa Isak toe in Mamre by Kirjat-Arba, dit is Hebron, waar Isak gebly het, en vroeër ook Abraham. 28 Isak het honderd en tagtig jaar oud geword 29 en toe is hy dood. Hy het gesterf nadat hy oud geword en 'n vol lewe gehad het. Sy twee seuns Esau en Jakob het hom begrawe.





### **Deuteronomium 30:15-20**

“Ek het vandag die lewe en die voorspoed, die dood en die teenspoed aan jou voorgehou. 16 As jy die Here jou God liefhet en sy wil doen deur sy gebooe, sy voorskrifte en sy bepalings wat ek jou vandag gegee het, te gehoorsaam, sal jy lewe en baie word en sal die Here jou God jou voorspoedig maak in die land wat jy in besit gaan neem. 17-18 Maar ek verkondig vandag aan julle: As jy van die Here af wegdraai en Hom nie gehoorsaam nie en as jy jou laat verlei om ander gode te vereer en te dien, sal julle almal omkom; julle sal nie lank bly woon in die land wat jy in besit gaan neem sodra jy deur die Jordaan getrek het nie. 19 Ek roep vandag die hemel en die aarde tot getuie teen julle dat ek die lewe en die dood aan jou voorgehou het, die seën en die straf. Kies die lewe, sodat jy en jou nageslag kan lewe. 20 Om die Here jou God lief te hê, Hom te gehoorsaam en Hom aan te hang, sal vir jou lewe gee en jou lank laat woon in die land wat die Here met 'n eed aan jou voorvaders Abraham, Isak en Jakob beloof het om aan hulle te gee.”



# WOENSDAG - WEEK 3

**Lees: Genesis 35; Deuteronomium 30:15-20**

**SOAP: Deuteronomium 30:15-16**

"Ek het vandag die lewe en die voorspoed, die dood en die teenspoed aan jou voorgehou. As jy die Here jou God liefhet en sy wil doen deur sy gebooie, sy voorskrifte en sy bepalings wat ek jou vandag gegee het, te gehoorsaam, sal jy lewe en baie word en sal die Here jou God jou voorspoedig maak in die land wat jy in besit gaan neem."

Skrif die SOAP verse hier onder neer:



---

---

---

---

---

---

---

---

---

---

---

---

---

---

---

---

---

---

---

---

---

---

---

---

Teken of skryf iets wat jy uit hierdie verse geleer het:



Skryf jou gebed vir vandag neer:



# DONDERDAG - WEEK 3



LEES

## **Genesis 36:1-37:1**

Hier volg die besonderhede uit die familiegeskiedenis van Esau, dit is Edom.

2 Esau het getrou met Kanaänitiese meisies: met Ada dogter van Elon, 'n Hetiet, met Oholibama dogter van Ana, dogter van Sibon, 'n Hewiet, 3 en met Basemat dogter van Ismael en suster van Nebajot.

4 Ada het vir Elifas in die wêreld gebring. Basemat het vir Reüel in die wêreld gebring 5 en Oholibama vir Jeüs, Jalam en Korag. Dit is Esau se seuns wat vir hom in Kanaän gebore is.

6 Maar Esau het met sy vrouens en sy seuns en dogters en al die mense by hom en met sy kleinvee en grootvee en al sy besittings wat hy in Kanaän bymekaargemaak het, weggetrek na 'n ander land toe, weg van sy broer Jakob af. 7 Hulle twee se besittings was te veel, hulle kon nie saam boer nie, en die land waar hulle as vreemdelinge gebly het, kon nie hulle vee dra nie. 8 Esau, dit is Edom, het in die Seërberge gaan woon.

9 Hier volg die name van Esau se nageslag in die Seërberge. Esau was die voorvader van die Edomiëte.

10 Die name van Esau se seuns was: Elifas seun van Esau se vrou Ada, en Reüel seun van Esau se vrou Basemat.

11 Elifas se seuns was Teman, Omar, Sefo, Gatam en Kenas.


12 Esau se seun Elifas het vir Timna as byvrou gehad, en sy het vir Amalek in die wêreld gebring.

Dit was die nageslag van Esau se vrou Ada.

13 Die seuns van Reüel was Nagat, Serag, Samma en Missa. Dit was die nageslag van Esau se vrou Basemat.

14 Die Seuns van Esau se vrou Oholibama dogter van Ana, dogter van Sibon, was Jeüs, Jalam en Korag. Hulle was Esau se seuns.





15 Die volgende uit Esau se nageslag was stamhoofde. Uit Esau se oudste seun Elifas se seuns was daar Teman, Omar, Sefo, Kenas, 16 Korag, Gatam en Amalek, almal stamhoofde. Hulle was stamhoofde in Edom, almal uit Elifas se huis, die nageslag van Ada.

17 Uit Esau se seun Reüel was daar Nagat, Serag, Samma en Missa, almal stamhoofde. Hulle was stamhoofde in Edom, almal uit Reüel se huis, die nageslag van Esau se vrou Basemat.

18 Die seuns van Esau se vrou Oholibama was Jeüs, Jalam, Korag, almal stamhoofde.

Hulle was stamhoofde uit die geslag van Oholibama dogter van Ana, Esau se vrou.

19 Dit was Esau, dit is Edom, se nageslag, en dit was hulle stamhoofde.

20 Die eerste inwoner van die land Edom was Seïr die Goriet. Sy seuns was Lotan, Sobal, Ana, 21 Dison, Eser en Disan.

Hulle was die Goritiese stamhoofde, die nageslag van Seïr, in Edom.

22 Lotan se seuns was Gori en Hemam. Timna was Lotan se suster.

23 Sobal se seuns was Alwan, Managat, Ebal, Sefi en Onam.

24 Sibon se seuns was Aja en Ana. Dit is die Ana wat die warmbronne in die woestyn ontdek het terwyl hy sy pa Sibon se donkies opgepas het.

25 Ana het 'n seun Dison en 'n dogter Oholibama gehad.

26 Dison se seuns was Gemdan, Esban, Jitran en Keran.


27 Eser se seuns was Bilhan, Saäwan en Akan.

28 Disan se seuns was Us en Aran.

29 Die stamhoofde van die Goriete was Lotan, Sobal, Sibon, Ana

30 Dison, Eser en Disan. Dit is die Goritiese stamhoofde uit hulle families in Seïr.





31 Daar het al konings oor Edom geregeer nog voor daar konings oor Israel geregeer het. Hier volg hulle name. 32 Bela seun van Beor het in die stad Dinhaba oor Edom geregeer.

33 Na sy dood het Jobab seun van Serag geregeer. Hy was afkomstig uit Bosra.

34 Na sy dood het Gusam geregeer. Hy was afkomstig uit die wêreld van die Temaniete.

35 Na sy dood het Hadad seun van Bedad in die stad Awit geregeer. Hadad het die Midianiete verslaan in die gebied van Moab.

36 Na sy dood het Samla geregeer. Hy was afkomstig uit Masreka.

37 Na sy dood het Saul geregeer. Hy was afkomstig uit Regobot-aan-die-Rivier.

38 Na sy dood het Baäl-Gana seun van Akbor geregeer.

39 Na sy dood het Hadar in die stad Paü geregeer. Sy vrou was Mehetabel dogter van Matred, dogter van Me-Sahab.

40 Dit is die stamhoofde van Esau volgens hulle families en hulle woonplekke. Hulle was Timna, Alwa, Jetet, 41 Oholibama, Ela, Pinon, 42 Kenas, Teman, Misbar, 43 Magdiël en Iram. Dit is die name van die stamhoofde van Edom volgens hulle woonplekke in die land waar hulle besittings gehad het. Esau was die voorvader van Edom.

1 Jakob het in Kanaän gebly, die land waar sy voorvaders ook as vreemdelinge gebly het.



### **Genesis 27:28-29**

God gee aan jou dou uit die hemel,  
die rykdom van die aarde: koring en wyn in oorvloed.  
29 Volke sal jou dien, nasies sal voor jou buig;  
oor jou familie sal jy heers, jou broers sal voor jou buig.  
Wie 'n vervloeking oor jou uitspreek, sal self vervloek wees,  
Wie jou seën, sal geseën wees."



**Genesis 27:39-40**

sê sy pa Isak vir hom:

“Jou woonplek sal ver van die aarde se rykdom af wees,  
en ook ver van die dou uit die hemel af.

40 Jy sal van oorlog leef en jy sal jou broer dien,  
maar as jy jou kans afwag, sal jy sy juk van jou nek afgooi.”

**Hebreërs 10:23**

Laat ons styf vashou aan die hoop wat ons bely, want God is  
getrou: Hy doen wat Hy beloof het.

**Hebreërs 11:20**

Omdat Isak geglo het, het hy Jakob en Esau geseën met die oog  
op die toekoms.






Teken of skryf iets wat jy uit hierdie verse geleer het:



Skryf jou gebed vir vandag neer:



## VRYPDAG - WEEK 3

LEES

### **Genesis 37:2-11**

Hier volg die familiegeskiedenis van Jakob.

Josef was nog jonk, sewentien, toe hy kleinvee opgepas het saam met sy broers, die seuns van Bilha en Silpa, sy pa se vrouens. Josef het slegte stories oor sy broers by hulle pa aangedra.

3 Van al sy seuns was Israel die liefste vir Josef, die seun wat in sy ouderdom gebore is, en daarom het hy vir Josef lang klere met moue gemaak. 4 Toe sy broers sien dat hulle pa vir Josef liever het as vir enige van hulle, het hulle 'n afkeer van Josef gekry en het hulle niks goeds oor hom gesê nie.

5 Op 'n keer het Josef gedroom en dit vir sy broers vertel. Daarna was hulle afkeer van hom nog groter. 6 Hy het vir hulle gesê: "Luister na die droom wat ek gehad het. Ons was op die land besig om gerwe te bind 7 en skielik gaan staan my gerf regop en julle gerwe gaan staan daar rondom en hulle buig voor myne." 8 Toe sê sy broers vir hom: "Jy verbeel jou jy sal oor ons koning word. Dink jy dalk jy sal oor ons regeer?" Oor sy drome en sy praatjies het hulle 'n nog groter afkeer van hom gekry.


9 Hy het ook nog 'n ander droom gehad en hy het dit vir sy broers vertel. Hy het gesê: "Ek het weer gedroom. Die son en die maan en elf sterre het voor my kom buig." 10 Toe hy dit vir sy pa en sy broers vertel, het sy pa hom berispe en vir hom gesê: "Wat vir 'n soort droom is dit wat jy gehad het? Verbeel jy jou ek en jou ma en jou broers moet voor jou kom buig?" 11 Sy broers was afgunstig op hom, en sy pa het aan die droom bly dink.

### **Lukas 16:10**

"Wie in die kleinste dinge betroubaar is, is ook in die groot dinge betroubaar; en wie in die kleinste dinge oneerlik is, is ook in groot dinge oneerlik."



Teken of skryf iets wat jy uit hierdie verse geleer het:



Skryf jou gebed vir vandag neer:





# HIERDIE WEEK HET EK GELEER...

Gebruik die spasie hier onder om 'n prentjie te teken of te skryf  
oor wat jy hierdie week uit God se Woord geleer het.







## WEEK 4

ONS SWAARKRY IN  
HIERDIE LEWE IS  
MAAR GERING EN  
GAAN VERBY, MAAR  
DIT LOOP VIR ONS UIT  
OP 'N HEERLIKHEID  
WAT ALLES VERREWEG  
OORTREF EN WAT  
EWIG BLY. ONS  
OOG IS NIE OP DIE  
SIGBARE DINGE GERIG  
NIE, MAAR OP DIE  
ONSIGBARE; WANT  
DIE SIGBARE DINGE  
IS TYDELIK, MAAR DIE  
ONSIGBARE EWIG.

2 KORINTIËRS 4:17-18

## MAANDAG - WEEK 4

LEES

### Genesis 37:12-36

Josef se broers het hulle pa se kleinvee gaan oppas in Sigem. 13 Toe sê Israel vir Josef: "Kyk, jou broers pas die kleinvee op in Sigem. Ek wil jou na hulle toe stuur." Josef het geantwoord: "Goed, Pa!" 14 Toe sê Israel vir hom: "Gaan kyk of alles nog reg is by jou broers en met die kleinvee en kom vertel my alles." Israel het hom van die laagte by Hebron af gestuur na Sigem toe.


15 Hy het daar in die veld rondgesoek, en toe kom 'n man by hom en dié vra vir hom: "Wat soek jy?" 16 Josef antwoord hom: "Ek soek my broers. Kan jy my dalk sê waar hulle die kleinvee oppas?" 17 Toe sê die man: "Hulle het van hier af versit. Ek het gehoor hulle sê hulle wil na Dotan toe gaan." Josef is toe agter sy broers aan en hy het hulle by Dotan gekry.

18 Hulle het hom al van ver af gesien en voor hy by hulle gekom het, het hulle ooreengekom om hom dood te maak. 19 Hulle het naamlik vir mekaar gesê: "Kyk, daar kom die ou dromer aan. 20 Kom ons maak hom dood en gooi hom in 'n put. Ons kan sê 'n roofdier het hom opgevreet. Dan sal ons sien wat word van sy drome."

21 Ruben het hulle hoor praat en omdat hy vir Josef wou red, het Ruben gesê: "Nee, ons moet hom nie doodmaak nie. 22 Moenie moord pleeg nie. Gooi hom liewer in hierdie put hier in die veld. Moenie sy lewe neem nie." Ruben het dit gesê sodat hy vir Josef kon red en hom na sy pa toe kon terugstuur.

23 Josef het skaars by sy broers aangekom of hulle trek sy klere uit, die lang klere met moue wat hy aangehad het, 24 en vat hom en gooi hom in die put. Dit was 'n droë put, sonder water.

25 Daarna het hulle gaan sit en eet, en toe hulle weer sien, kom daar 'n klomp Ismaelitiese handelaars uit Gilead aan. Hulle was op pad na Egipte toe en op hulle kamele was daar gom, balsem en hars gelaai. 26 Toe sê Juda vir sy broers: "Watter nut het dit vir ons om ons broer dood te maak en dit dig te hou?"



27 Kom ons verkoop hom aan die Ismaeliete. Ons moenie sy lewe neem nie, hy is ons broer, hy is bloedfamilie." Juda se broers het na hom geluister, 28 en toe daar van die Midianitiese handelaars verbykom, het die broers vir Josef uit die put uit opgetrek en vir twintig stukke silwer aan die Ismaeliete verkoop en dié het hom Egipte toe gevat.

29 Toe Ruben terugkom by die put, was Josef nie daar nie. Ruben het sy klere geskeur 30 en teruggegaan na sy broers toe en vir hulle gesê: "Die kind is weg! Wat moet ek nou doen?"

31 Maar sy broers het 'n boklam geslag en die klere van Josef gevat en in die bloed gedoop. 32 Toe stuur hulle Josef se klere met 'n boodskap vir hulle pa: "Ons het dít opgetel. Kyk of dit dalk u seun se klere is."

33 Israel het dit herken en gesê: "Dit is my seun se klere. 'n Roofdier het hom opgevreet. Josef is opgevreet!"


34 Jakob het sy klere geskeur en rouklere aangetrek. Hy het lank oor sy seun getreur. 35 Al sy kinders het vir Jakob probeer troos, maar hy wou hom nie laat troos nie. Hy het gesê: "Ek sal bly treur oor my seun tot ek by hom in die dood is."

So het Josef se pa bly treur oor hom.

36 Die Midianiete het vir Josef in Egipte verkoop aan Potifar. Hy was aan die farao se paleis verbonde as hoof van die lyfwag.

## **2 Korintiërs 4:7-18**

Ons wat hierdie skat in ons het, is maar kleipotte wat maklik breek; die krag wat alles oortref, kom dus van God, nie van ons nie. 8 In alles word ons verdruk, maar ons is nie terneergedruk nie; ons is oor raad verleë, maar nie radeloos nie; 9 ons word vervolgt, maar nie deur God verlaat nie, op die grond neergegooi, maar nie vernietig nie. 10 Die sterwe van Jesus dra ons altyd saam in ons liggaam, sodat ook die lewe van Jesus sigbaar kan word in ons liggaam. 11 Voortdurend word ons wat lewe, ter wille van Jesus uitgelewer aan die dood, sodat ook in ons sterflike bestaan die lewe van Jesus sigbaar kan word. 12 Dit beteken dat in ons die dood aan die werk is, maar in julle die lewe. 13 Daar staan in die





Skrif: "Ek het geglo, daarom het ek gepraat." Ons het dieselfde Gees wat die geloof wek, en ons glo, daarom praat ons ook. 14 Ons weet immers dat God, wat die Here Jesus uit die dood opgewek het, ons ook saam met Jesus sal opwek en ons saam met julle voor sy troon sal stel. 15 Ons doen dit alles om julle ontwil, sodat die genade van God steeds meer mense kan bereik. Dan word die dankgebede ook meer, en God ontvang die eer. 16 Om hierdie rede word ons nie moedeloos nie. Al is ons uiterlik besig om te vergaan, innerlik word ons van dag tot dag vernuwe. 17 Ons swaarkry in hierdie lewe is maar gering en gaan verby, maar dit loop vir ons uit op 'n heerlijkheid wat alles verreweg oortref en wat ewig bly. 18 Ons oog is nie op die sigbare dinge gerig nie, maar op die onsigbare; want die sigbare dinge is tydelik, maar die onsigbare ewig.







Teken of skryf iets wat jy uit hierdie verse geleer het:



Skryf jou gebed vir vandag neer:



# DINSDAG - WEEK 4



LEES

## **Rut 4:12**

Mag die nageslag wat die Here jou uit hierdie jong vrou sal gee, wees soos dié van Peres wat deur Tamar vir Juda in die wêreld gebring is.

## **Matteus 1:2-16**

Abraham was die vader van Isak, Isak van Jakob, Jakob van juda en sy broers; 3 Juda was die vader van Peres en Serag by Tamar, Peres van Gesron, en Gesron van Ram; 4 Ram was die vader van Amminadab, Amminadab van Nagson, en Nagson van Salmon; 5 Salmon was die vader van Boas by Ragab, Boas van Obed by Rut, Obed van Isai; 6 Isai was die vader van koning Dawid.

Dawid was die vader van Salomo by die vrou Urija; 7 Salomo was die vader van Rehabeam van Abia en Abia van Asa; 8 Asa was die vader van Josafat, Josafat van Joram, en Joram van Ussia; 9 Ussia was die vader van Jotam, Jotam van Agas, en Agas van Hiskia; 10 Hiskia was die vader van Manasse, Manasse van Amon, en Amon van Josia; 11 Josia was die vader van Jojagin en sy broers. Toe is die volk wegevoer na Babilonië toe.

12 En na die Babiloniese ballingskap was dit so: Jojagin was die vader van Sealtiël, en Sealtiël van Serubbabel; 13 Serubbabel was die vader van Abihud, Abihud van Eljakim, en Eljakim van Asor; 14 Asor was die vader van Sadok, Sadok van Agim, en Agim van Elihud; 15 Elihud was die vader van Eleasar, Eleasar van Mattan, en Mattan van Jakob; 16 Jakob was die vader van Josef, die man van Maria uit wie gebore is Jesus wat Christus genoem word.



Teken of skryf iets wat jy uit hierdie verse geleer het:



Skryf jou gebed vir vandag neer:



## WOENSDAG - WEEK 4

LEES


### Genesis 39

Josef is na Egipte toe gebring. Potifar, 'n amptenaar van die farao en hoof van die lyfwag, 'n Egiptenaar van geboorte, het vir Josef by die Ismaeliete gekoop wat hom Egipte toe gevat het. 2 Die Here was by Josef en dit het baie goed gegaan met hom. Hy het in die huis van sy eienaar, die Egiptenaar, gebly. 3 Toe Potifar, Josef se eienaar, sien dat die Here by Josef is en dat die Here alles wat Josef aanpak, laat slaag, 4 was Potifar hom goedgesind. Hy het Potifar se persoonlike slaaf geword en Potifar het hom aangestel oor sy hele huishouding, en al sy besittings is onder Josef se sorg geplaas. 5 Van toe af het die Here die huis van die Egiptenaar geseën. Dit was oor Josef dat die Here dit gedoen het. Die seën van die Here het gerus op al Potifar se besittings, dié in sy huis en dié in die veld. 6 Hy het alles aan Josef oorgelaat en hom niks gesteur nie, behalwe aan sy kos.

Josef was fris gebou en mooi. 7 Na sy bevordering in sy eienaar se huis het dié se vrou na Josef gekyk en vir hom gesê: "Kom slaap by my."

8 Maar hy wou nie en hy het vir sy eienaar se vrou gesê: "Meneer steur hom aan niks vandat ek hier is nie. Wat hy besit, het hy onder my sorg geplaas. 9 Daar is niemand wat in hierdie huis meer gesag het as ek nie. Meneer het niks van my teruggehou nie, behalwe vir u, want u is sy vrou. Hoe kan ek so 'n verkeerde ding doen? Ek sal mos teen God sondig!"

10 Sy het dag vir dag by Josef aangehou, maar hy het bly weier om by haar te gaan slaap. 11 Op 'n dag toe Josef in die huis ingaan om sy werk te doen, was daar niemand van die ander slawe in die huis nie. 12 Toe gryp Potifar se vrou hom aan sy klere en sê: "Kom lê by my." Maar Josef het buitentoe gevlug, terwyl sy 'n stuk van sy klere in haar hand bly hou. 13 Toe sy sien dat hy buitentoe gevlug het terwyl sy 'n stuk van sy klere in haar hand bly hou, 14 roep sy die ander slawe van haar huis en sê vir hulle: "Kyk, Meneer het hierdie Hebreër na ons toe gebring om ons te



kom verneder. Hy wou by my kom slaap, maar toe ek hard begin skree 15 en hy hoor hoe hard ek aanhou roep, het hy buitentoe gevlug en hierdie stuk klere by my gelos."

16 Sy het die stuk klere by haar gehou tot Josef se eienaar huis toe gekom het. 17 Sy het alles vir hom vertel en vir hom gesê: "Die Hebreëuse slaaf wat jy hier by ons ingebring het, het by my kom aanlê, 18 maar toe ek hard aanhou roep, het hy buitentoe gevlug en hierdie stuk klere by my gelos."

19 Toe Josef se eienaar by sy vrou hoor wat sy slaaf alles aan haar gedoen het, was hy kwaad, 20 en het hy vir Josef gevat en in die tronk gegooi waarin die mense was wat deur die koning gevange gehou is.

Terwyl Josef daar in die tronk was, 21 was die Here by hom, en Hy het Josef sy troue liefde laat ondervind, sodat die tronkbewaarder hom goedgesind geword het. 22 Hy het vir Josef in beheer geplaas van al die gevangenes in die tronk en van wat hulle moes doen. Josef was vir alles verantwoordelik, 23 en die tronkbewaarder het nie meer na iets omgesien nie; alles was in Josef se hande, want die Here was by hom. Wat Josef ook al aangepak het, die Here het dit laat slaag.

### **Jakobus 1:2-18**

My broers, julle moet baie bly wees wanneer allerlei beproewings oor julle kom, 3 want, soos julle weet, as julle geloof die toets deurstaan het, stel dit julle in staat om te volhard. 4 En die volharding moet end-uit volgehou word sodat julle tot volle geestlike rypheid kan kom, sonder enige tekortkoming. 5 As een van julle wysheid kortkom, moet hy dit van God bid, en Hy sal dit aan hom gee, want God gee aan almal sonder voorbehoud en sonder verwyf. 6 Maar 'n mens moet gelowig bid en nie twyfel nie, want iemand wat twyfel, is soos 'n brander in die see wat deur die wind gejaag en heen en weer gedryf word. 7-8 So 'n mens wat altyd aan die twyfel is en onbestendig is in al sy doen en late, moet nie dink dat hy iets van die Here sal ontvang nie.





9 'n Gelowige wat arm is, moet hom daarin verheug dat hy sy aansien in God het, 10 en een wat ryk is, dat hy voor God gering is, want die ryke sal vergaan soos 'n veldblom. 11 As die son met sy gloeiende hitte opkom, verskroei dit die plantegroei, die blomme val af en die prag is daarmee heen. So sal die ryke ook tussen al sy bedryghede deur vergaan.

12 Gelukkig is die mens wat in versoeking standvastig bly. As hy die toets deurstaan het, sal hy as oorwinningsprys die lewe ontvang wat die Here belowe het aan dié wat Hom liefhet. 13 Iemand wat in versoeking kom, moet nooit sê: "Ek word deur God versoek" nie; want God kan nie verlei word nie, en self verlei Hy niemand nie. 14 Maar 'n mens word verlei deur sy eie begeertes wat hom aanlok en saamsleep. 15 Daarna, as die begeertes bevrug geraak het, bring dit die sonde voort; en as die sonde ryp geword het, loop dit uit op die dood.

16 Moenie julleself mislei nie, my liewe broers. 17 Elke goeie gawe en elke volmaakte geskenk kom van Bo. Dit kom van die Vader wat die hemelligte geskep het, maar wat self nie soos hulle verander of verduister is nie. 18 Omdat dit sy wil was, het God ons deur die woord van die waarheid tot die lewe gebring, sodat ons, om dit so te stel, eersteling kan wees van alles wat Hy geskep het.







Teken of skryf iets wat jy uit hierdie verse geleer het:



Skryf jou gebed vir vandag neer:



# DONDERDAG - WEEK 4

LEES

## Genesis 40

'n Ruk nadat Josef in die tronk gesit is, het 'n skinker en 'n bakker van Egipte se koning verkeerd opgetree teenoor hulle koning. 2 Die Farao het kwaad geword vir sy twee amptenare, die hoof van die skinkers en die hoof van die bakkers. 3 Hy het hulle in dieselfde tronk laat sit waarin Josef opgesluit was, in die gebou van die koninklike lyfwag. 4 Die hoof van die lyfwag het Josef vir hulle beskikbaar gestel: hy moes hulle bedien.


Toe hulle al lank in die tronk was, 5 het die twee een nag gedroom. Die skinker en die bakker van die koning van Egipte het daar waar hulle in die tronk opgesluit was, elkeen sy eie droom gehad met sy eie uitleg. 6 Josef het die volgende môre by hulle gekom en opgemerk dat hulle bedruk was. 7 Hy het vir die twee wat saam met hom in die tronk was, die amptenare van die farao, gevra: "Waarom lyk julle vandag so bedruk?"

8 Hulle het hom geantwoord: "Ons het elkeen 'n droom gehad en ons weet nie wat dit beteken nie."

Toe sê Josef vir hulle: "God ken julle drome se uitleg. Vertel die drome vir my."

9 Die hoof van die skinkers het sy droom vir Josef vertel. Die skinker het gesê: "In my droom het ek 'n wingerdstok voor my gesien, 10 en aan die wingerdstok was daar drie lote. Dit het kwalik gebot of daar was al blomme, en toe is die trosse druiw ryp. 11 Ek het die farao se beker in my hand gehad en ek het die druiwe gepluk en daarin uitgedruk. Toe gee ek die beker vir die farao."

12 Josef het vir die skinker gesê: "Dit is die uitleg: die drie lote is drie dae. 13 Oor drie dae sal die farao aan jou aandag gee en jou in jou amp herstel. Jy sal weer vir die farao sy beker aangee soos vroeër toe jy sy skinker was. 14 Maar wanneer dit goed gaan met jou, moet jy aan my dink en moet jy my 'n guns bewys. Jy moet my saak vir hom stel en sorg dat ek uit hierdie plek uitkom. 15 Ek is uit die land van die Hebreërs gesteel en ook hier het ek niks gedoen waaroor hulle my in hierdie gat kon gooi nie."



16 Toe die hoof van die bakkers die gunstige uitleg hoor wat Josef gegee het, sê hy vir hom: "En nou ek! In my droom was daar drie mandjies met brood op my kop. 17 In die boonste mandjie was daar 'n geurige baksel vir die farao. Maar die voëls het dit so uit die mandjie uit my kop kom vreet."

18 Josef het vir die bakker gesê: "Dit is die uitleg: die drie mandjies is drie dae. 19 Oor drie dae sal die farao aan jou aandag gee, maar vir jÓú sal hy aan 'n paal laat ophang en die voëls sal jou vleis van jou afvreet."

20 Drie dae later was dit die farao se verjaarsdag en hy het al sy amptenare op 'n groot ete onthaal. Daar voor sy amptenare het hy aandag gegee aan die saak van die skinker en die bakker. 21 Hy het die hoof van die skinkers in sy amp as skinker herstel, en die skinker het weer vir die farao sy beker aangegee, 22 maar hy het die hoof van die bakkers laat ophang. Dit alles het gebeur soos Josef vir die twee hulle drome uitgelê het.

23 Maar die hoof van die skinkers het nie aan Josef gedink nie, hy het van Josef vergeet.

### **Psalm 13**

Vir die koorleier. 'n Psalm van Dawid.

2 Hoe lank gaan U my nog bly vergeet, Here?

Vir altyd?

Hoe lank gaan U nog van my af weg kyk?

3 Hoe lank moet ek nog my eie planne maak en my dae met kommer deurbring?

Hoe lank sal die vyand my nog oorheers?

4 Luister tog en antwoord my, Here my God!

Gee my tog nuwe lewenskrag.

Ek wil nie sterwe nie,

5 anders sê my vyand hy het my oorwin en juig my verdrukkers oor my ondergang.

6 Ek hou vas aan u troue liefde,

oor die uitkoms wat U gee, juig my hart.

Ek wil sing tot eer van die Here,

omdat Hy aan my goed gedoen het.






Teken of skryf iets wat jy uit hierdie verse geleer het:



Skryf jou gebed vir vandag neer:



# VRYPDAG - WEEK 4


LEES

## Genesis 41

1 Twee jaar later het die farao 'n droom gehad. Hy het gedroom hy staan langs die Nyl. 2 Uit die rivier kom daar toe sewe mooi vet koeie uit en hulle gaan wei in die vleigras. 3 Ná hulle kom daar toe sewe ander koeie uit die rivier uit. Hulle was lelik en maer en het langs die ander koeie op die rivierwal gaan staan. 4 Toe vreet die lelike maer koeie die sewe mooi vettes op. Daarna het die farao wakker geskrik. 5 Hy het weer aan die slaap geraak en weer gedroom. Hy het gesien hoe wese mooi vol are opskiet aan een stingel. 6 Ná hulle kom daar toe sewe skraal are uit wat verskroei is deur die oostewind. 7 Die skraal are sluk toe die sewe vol vet are in. Daarna het die farao wakker geskrik, en hy het besef hy het gedroom.

8 Die more was die farao onrustig oor die drome. Hy het al die waarseërs van Egipte en ook die raadgewers almal laat roep en vir hulle sy droom vertel. Maar niemand kon dit vir hom uitlê nie. 9 Toe sê die hoof van die skinkers vir die farao: "Vandag moet ek u herinner aan die verkeerde ding wat ek vroeër gedoen het. 10 U het toe kwaad geword en vir u dienaars, vir my en vir die hoof van die bakkers, en u het ons laat opsluit in die tronk in die huis van die hoof van u lyfwag. 11 "Daar het ons in een en dieselfde nag 'n droom gehad, elkeen sy eie droom met sy eie uitleg. 12 Saam met ons was 'n Hebreeuse jongman, 'n slaaf van die hoof van die lyfwag. Ons het toe ons drome vir hom vertel, en hy het dit vir ons uitgelê. Hy het dit uitgelê volgens elkeen se droom. 13 Soos hy dit vir ons uitgelê het, het dit daarna gebeur: vir my het hy in my amp laat herstel en die bakker het hy laat ophang."

14 Toe het die farao vir Josef laat roep en hulle het hom gou uit die tronk gehaal. Nadat hulle hom geskeer en ander klere aangetrek het, is hy na die farao toe. 15 Die farao het vir Josef gesê: "Ek het 'n droom gehad, maar daar is niemand wat dit kan uitlê nie. Toe het ek van jou gehoor: jy lê 'n droom uit as jy hom hoor." 16 Josef het vir die farao gesê: "Nie ek nie! God gee dié goeie antwoord vir u."



17 Toe sê die farao vir Josef: "In my droom het ek op die wal van die Nyl gestaan. 18 Toe kom daar sewe mooi vet koeie uit die rivier uit en hulle gaan wei in die vleigras. 19 Ná hulle kom daar toe sewe ander koeie uit die rivier uit. Hulle was lelik en maer. Ek het nog nooit sulke lelike diere in Egipte gesien nie. 20 Toe vreet die lelike maer koeie die eerste sewe, die vettes, op. 21 Nadat hulle ingesluk was, kon jy dit nie aan die maeres merk nie: hulle het nog net so sleg gelyk as aan die begin.

"Toe het ek wakker geskrik.

22 "Ek het daarna in 'n droom gesien: sewe mooi vol are het opgeskiet aan een stingel. 23 Ná hulle kom daar toe sewe droë, skraal are uit wat verskroei is deur die oostewind. 24 Die skraal are sluk toe die sewe mooi are in.


"Ek het dit vir die waarsêers vertel, maar niemand kon my iets sê nie."


25 Toe sê Josef vir die farao: "U het maar net een droom gehad. Wat God wil doen, het Hy aan u meegedeel.

26 "Die sewe mooi koeie is sewe jaar en die sewe mooi are is sewe jaar. Dit is maar een en dieselfde droom. 27 Die sewe maer, lelike koeie wat daarna uit die rivier gekom het, en die sewe skraal are wat deur die oostewind verskroei is, is ook sewe jaar, sewe jaar hongersnood. 28 "Dit is wat ek bedoel het toe ek vir u gesê het dat God u laat sien het wat Hy wil doen.

29 "Daar sal in die hele Egipte sewe jaar van groot oorvloed kom. 30 Dan breek daar sewe jaar hongersnood aan. Die mense sal die voorspoed wat daar in die hele Egipte was, vergeet en die hongersnood sal die land op sy knieë bring. 31 Die hongersnood sal so straf wees dat 'n mens later niks meer van die oorvloed sal merk nie.

32 "Die droom het twee keer na u toe gekom omdat die saak vas staan by God. Hy sal dit binnekort uitvoer.





33 "Ek beveel aan dat u 'n verstandige en wyse man kies en hom in beheer plaas van die hele Egipte. 34 Die farao moet dit doen: u moet beamptes vir die hele land aanstel en die land tydens die sewe jaar van oorvloed behoorlik organiseer. 35 Hulle moet al die graan van die goeie jare wat aan die kom is, insamel en dit in graanskure bêre en bewaak sodat daar kos tot u beskikking is. 36 Die graan moet vir die land in reserwe gehou word, dit moet vir die sewe jaar van hongersnood beskikbaar wees in Egipte. Dan sal die hongersnood nie die land uitroei nie."

37 Die farao en al sy amptenare het Josef se raad goedgevind. 38 Toe sê die farao vir sy amptenare: "Waar kry ons so iemand, 'n man met die verstand van 'n god?" 39 Die farao het daarop vir Josef gesê: "God het jou dit alles bekend gemaak. Daaruit is dit duidelik dat niemand soveel verstand en wysheid as jy het nie. 40 Ek stel jou aan oor my paleis. "My volk moet jou gehoorsaam. Net ek sal meer mag hê as jy."

41 Die farao het verder nog vir Josef gesê: "Kyky, ek stel jou aan oor die hele Egipte." 42 Toe haal die farao sy seëlring af en steek dit aan Josef se vinger. Die farao het vir Josef linneklere laat aantrek en 'n goue ketting om sy nek gehang 43 en hom laat ry op die tweede beste wa van die farao. Daar is voor Josef uitgeroep: "Betoon hom eer!" So is Josef oor die hele Egipte aangestel. 44 Toe het die farao vir Josef gesê: "Ek bly die farao, maar sonder jou toestemming mag niemand in Egipte 'n vinger verroer of 'n voet versit nie."

45-46 Die farao het Josef Safenat-Paneag genoem en vir hom Asenat, dogter van Poti-Fera priester van On, as vrou gegee. Josef was dertig jaar oud toe hy in die diens van die farao die koning van Egipte getree het. Josef is van die farao af weg en het die land deurgedaan, die hele Egipte.

47 Tydens die sewe jaar van oorvloed het die land 'n buitengewone groot oes gegee, 48 en Josef het al die graan wat daar in hierdie jare in Egipte was, bymekaargebring en in graanskure gebêre:







in elke stad is die graan uit die lande van daardie omgewing gebêre. 49 Josef het so baie koring bymekaargemaak dat dit net soveel was as die sand van die see. Hy het later opgehou om aan te teken hoeveel daar was, want dit was te veel om te tel.

50 Reeds voor die jare van hongersnood begin het, is daar vir Josef twee seuns gebore. Sy vrou Asenat, dogter van Poti-Fera priester van On, het hulle vir Josef in die wêreld gebring. 51 Hy het die oudste Manasse genoem, "want," het hy gesê, "God het my alles laat vergeet: al my swaarkry en alles wat my familie my aangedoen het."

52 Josef het sy ander seun Efraim genome, "want," het hy gesê, "God het my vrugbaar gemaak in die land waar ek verneder is."


53 Na die sewe jaar voorspoed in Egipte 54 het die sewe jaar hongersnood begin. So het Josef dit destyds aangekondig. In al die lande was daar hongersnood, maar in die hele Egipte was daar kos, 55 want toe die hongersnood Egipte tref en die mense vir die farao kos vra, het hy vir al die Egiptenaars gesê: "Gaan na Josef toe en doen wat hy sê."

56 Oor die hele wêreld was daar hongersnood, en toe dit straf word in Egipte, het Josef die graanskure oopgesluit en wat daarin was, aan die Egiptenaars begin verkoop. 57 En toe die hongersnood straf word in die ander lande, het die mense van die hele wêreld Egipte toe gekom om koring te koop by Josef.






Teken of skryf iets wat jy uit hierdie verse geleer het:



Skryf jou gebed vir vandag neer:



# HIERDIE WEEK HET EK GELEER...



Gebruik die spasie hier onder om 'n prentjie te teken of te skryf  
oor wat jy hierdie week uit God se Woord geleer het.





## WEEK 5

TEN SLOTTE: WEES  
ALMAL EENSGESIND,  
MEDELYDEND,  
LIEFDEVOL,  
GOEDHARTIG,  
NEDERIG. MOENIE  
KWAAD MET  
KWAAD VERGELD  
OF BELEDIGING  
MET BELEDIGING  
NIE. INTEENDEEL,  
ANTWOORD MET 'N  
SEËNWENS, WANT  
DAARTOE IS JULLE  
GEROEP, SODAT  
JULLE DIE SEËN VAN  
GOD KAN VERKRY.

1 PETRUS 3:8-9

# MAANDAG - WEEK 5

LEES

## Genesis 42

Toe Jakob verneem dat daar graan in Egipte is, sê hy vir sy seuns: "Waarom sit julle vir mekaar en kyk?" 2 Hy het verder vir hulle gesê: "Ek het gehoor daar is graan in Egipte. Gaan soontoe en koop daar vir ons koring dat ons aan die lewe kan bly, anders sterf ons."

3 Tien broers van Josef is toe weg na Egipte toe om koring te gaan koop. 4 Jakob het nie Josef se broer Benjamin saamgestuur nie, "want," het hy gesê, "netnou gebeur daar iets met hom!" 5 Die seuns van Israel het saam met ander mense gegaan wat ook koring in Egipte wou gaan koop omdat daar hongersnood was in die hele Kanaän.

6 Josef was in beheer van Egipte en hy het self die graan aan die mense verkoop. Sy broers het dus na hom toe gegaan en diep voor hom gebuig. 7 Toe hy sy broers sien, het hy hulle herken. Maar hy het hulle nie laat agterkom wie hy is nie. Hy het hulle bars aangespreek en gevra: "Waarvandaan is julle?"

Hulle het hom geantwoord: "Ons is van Kanaän. Ons kom koop graan."


8 Josef het sy broers herken, maar hulle het hom nie. 9 Hy het aan sy drome van vroeër gedink en vir hulle gesê:

Julle is spioene. Julle het net kom kyk waar die land maklik ingeval kan word."

10 Maar hulle het vir hom gesê: "Nee, Meneer, ons is u onderdane. Ons het net kom graan koop. 11 Ons almal het dieselfe pa. Ons is eerlike mense. Ons is nie spioene nie."

12 Josef sê toe vir hulle: "Dit is nie. Julle het net kom kyk waar die land maklik ingeval kan word." 13 Hulle het geantwoord: "Ons was twaalf broers. Ons het dieselfde pa, 'n man in Kanaän. Die jongste is nou nog by hom, en die een leef nie meer nie."






14 Toe sê Josef vir hulle: "Julle is wat ek vir julle gesê het, julle is spioene! 15 Hieraan sal ek julle toets: So seker as die farao leef, julle sal nie hier weggaan voordat julle jongste broer hierheen gebring is nie. 16 Stuur een van julle om hom te gaan haal. Julle ander sal gevange gehou word. So sal ek vasstel of julle die waarheid praat of nie. So seker as die farao leef: Julle is spioene." 17 Josef het hulle drie dae lank aangehou 18 en op die derde dag sê hy toe vir hulle: Ek dien God! Op hierdie voorwaarde kan julle bly lewe: 19 as julle eerlike mense is, moet een van julle in die tronk agterbly. Julle ander moet dan graan wegbring vir julle honger huismense. 20 Dan moet julle julle jongste broer na my toe bring. Dan sal ek julle glo, en julle sal nie sterf nie."


Hulle het ingestem 21 en vir mekaar gesê: "Dit het ons nou van alles wat ons destyds ons broer aangedoen het. Ons het sy angs gesien toe hy ons om genade gesmeek het, maar ons het nie geluister nie. Nou sit ons met dieselfde angs."

22 Toe sê Ruben vir hulle: "Ek het julle mos gesê julle moet julle nie aan die kind vergryp nie. Maar julle wou nie luister nie, en daarom word sy dood nou op ons gewreek." 23 Omdat Josef deur 'n tolk met hulle gepraat het, het hulle nie besef dat hy verstaan wat hulle sê nie. 24 Josef het van hulle af weggegaan en gaan huil. Daarna het hy teruggekom na hulle toe en weer met hulle gepraat. Toe het hy vir Simeon gevat en hom voor hulle oë in die tronk gesit.

25 Josef het opdrag gegee dat die broers se sakke vol koring gemaak moet word en dat elkeen se geld in die sakke terug gesit moet word. Daar moes ook padkos vir hulle gegee word. Alles is so gedoen vir hulle. 26 Toe laai hulle die graan op hulle donkies en vertrek van daar af.

27 Die aand toe een van die broers sy sak oopmaak om sy donkie te voer, sien hy die geld bo in die sak. 28 Toe sê hy vir sy broers: "Kom kyk hier! My geld is teruggesit in die sak." Hulle was radeloos, en doodgeskrik sê hulle vir mekaar: "Wat het God ons nou aangedoen?"





29 Toe hulle by hulle pa Jakob in Kanaän aankom, het hulle alles wat met hulle gebeur het, vir hom vertel: 30 “Die man in bevel van daardie land het ons bars aangespreek en ons vir spioene gehou, 31 maar ons het vir hom gesê dat ons eerlike mense is en nie spioene nie. 32 Ons was twaalf broers en ons het dieselfde pa. Die een broer leef nie meer nie, en die jongste is by Pa in Kanaän.


33 Maar die man in bevel van daardie land het vir ons gesê: Hieraan sal ek weet of julle eerlike mense is: een van julle moet hier by my bly. Julle ander moet die kos vir julle honger mense gaan wegbring. 34 Bring dan julle jongste broer na my toe. Dan sal ek weet julle is nie spioene nie maar eerlike mense. Dan sal ek julle broer teruggee en mag julle vry rondbeweeg in die land.”

35 Toe die seuns hulle graansakke leegmaak, kry elkeen sy beursie met geld in sy sak. Toe hulle dit sien, was hulle en hulle pa baie bang, 36 en het hy het vir hulle gesê: “Julle maak my kinderloos. Josef leef nie meer nie, Simeon is nie meer hier nie, en nou wil julle nog vir Benjamin ook wegvat! En ek ly daaronder.”

37 Maar Ruben het vir sy pa gesê: “Pa kan albei my seuns om die lewe bring as ek nie vir Benjamin na Pa toe terugbring nie. Maak my verantwoordelik vir hom, en ek sal hom vir Pa terugbesorg.” 38 Jakob het net gesê: “Sy broer is dood. My seun gaan nie saam met julle nie. Hy was al wat vir my oor is. As iets hom op die pad moet oorkom, sal ek deur julle toedoen in my ouderdom van verdriet sterf.”

## **2 Korintiërs 7:9-10**

Nou is ek egter bly, nie omdat ek julle hartseer gemaak het nie, maar omdat ek julle so hartseer gemaak het dat julle tot inkeer gekom het. Julle was immers hartseer soos God dit wou hê. Ons het julle dus in geen opsig benadeel nie, 10 want droefheid volgens die wil van God bring bekering wat tot redding lei, en daarvoor was niemand nog ooit jammer nie. Daarteenoor bring droefheid uit wêreldse oorwegings die dood.





Teken of skryf iets wat jy uit hierdie verse geleer het:



Skryf jou gebed vir vandag neer:



## DINSDAG - WEEK 5

LEES

### Genesis 43

Maar dit was 'n kwaai hongersnood, 2 en toe die kos begin opraak wat die broers uit Egipte gebring het, sê hulle pa vir hulle: "Julle moet maar weer vir ons 'n bietjie kos gaan koop."

3 Juda het hom geantwoord: "Daardie man het ons nadruklik gewaarsku en vir ons gesê: 'Julle kom nie weer hier by my sonder julle broer nie!'"


4 As Pa instem en ons broer saam met ons stuur, sal ons vir Pa gaan kos koop. 5 Maar as Pa nie instem om hom saam te stuur nie, sal ons nie gaan nie, want daardie man het vir ons gesê ons kom nie weer by hom sonder ons broer nie."

6 Toe sê Israel: "Waarom het julle my hierdie onreg aangedoen en vir die man vertel julle het nog 'n broer!'"

7 Hulle het gesê: "Die man het ons uitgevra na ons familie. Hy het gevra: 'Leef julle pa nog? Het julle nog 'n broer?' Ons het net geantwoord op hierdie vrae van hom. Hoe moes ons weet hy sou sê: 'Bring julle broer hiernatoe'?"

8 Juda het vir sy pa Israel gesê: "Stuur tog maar die kind saam met my sodat ons dadelik kan vertrek. Dan kan ons aan die lewe bly. So nie sterf Pa saam met ons en ons kinders. 9 Ek waarborg hy sal terugkom. Pa kan hom van my eis. As ek hom nie vir Pa terugbring en hom hier voor Pa kom laat staan nie, sal ek vir altyd by Pa in die skuld wees. 10 En as ons nie so getalm het nie, kon ons nou al twee keer terug gewees het."

11 Toe sê hulle pa Israel vir hulle: "Nou ja, as dit dan so is, moet julle dit maar doen. Vat van die beste wat ons land het saam in julle graansakke as 'n geskenk vir die man: 'n bietjie balsam, 'n bietjie heuning, gom, hars, neute en amandels. 12 Julle moet die geld verdubbel wat julle saamvat. En die geld wat julle bo in die graansakke teruggebring het, moet julle ook saamvat. Dalk was daar 'n misverstand. 13 Vat julle broer en maak klaar en gaan



terug na die man toe. 14 God die Almagtige sal sorg dat die man julle goedgesind is en julle ander broer terugstuur en ook vir Benjamin. En ek, as ek dan my kinders moet verloor, moet ek hulle maar verloor.”

15 Die manne het toe die geskenk gevat en hulle het die geld wat hulle saamgevat het, verdubbel. Hulle het vir Benjamin gevat en klaargemaak en Egipte toe gegaan. Hulle het by Josef gekom, 16 en toe hy sien Benjamin is by hulle, sê hy vir sy hoofamptenaar: “Vat die manne na my huis toe. Laat slag en laat ‘n ete voorberei, want hulle moet vanmiddag by my eet.”


17 Hy het toe gedoen wat Josef gesê het. Hy het die manne na Josef se huis toe gevat, 18 en hulle het bang geword omdat hulle na Josef se huis toe gebring is. Toe sê hulle: “Dit is oor die geld wat die vorige keer in ons graansakke teruggesit is. Ons word hierheen gebring om ons te oorval en te oorrompel en van ons slawe te maak en ons donkies te vat.”

19 By die deur van die huis het hulle die hoofamptenaar genader 20 en vir hom gesê: “Ekskuus, Meneer, ons was al ‘n vorige keer hier om kos te koop. 21 En toe ons hier weg is en die aand ons graansakke oopmaak, lê elkeen se geld bo in sy sak. Dit was presies die regte bedrag. Maar ons het dit nou weer saamgebring, 22 en ook nog geld om weer kos te koop. Ons weet nie wie die geld in ons sakke teruggesit het nie.”

23 Toe sê die amptenaar vir hulle: “Wees gerus! Moenie bekommerd wees nie. Julle geld het by my uitgekom, en dit is julle God, die God van julle voorvaders, wat ‘n skat in julle sakke gesit het.”

Die amptenaar het toe vir Simeon na hulle toe gebring.

24 Nadat die amptenaar hulle in Josef se huis ingebring het, het hy vir hulle water gegee. 25 Die broers het hulle geskenk gereed gehou vir wanneer Josef die middag kom, want hulle het gehoor dat hulle daar gaan eet.





26 Toe Josef inkom, bring hulle vir hom die geskenk wat hulle saamgebring het, na die huis toe. Toe buig hulle diep voor hom.  
27 Josef het hulle toe gevra hoe dit gaan. Hy het gevra: "Hoe gaan dit met julle pa wat so oud is en van wie julle my vertel het? Leef hy nog?" 28 Hulle het geantwoord: "Dit gaan goed met u onderdaan, ons pa. Hy leef nog." Hulle het weer voor Josef gebuig en hom so geëer.


29 Toe Josef sy broer, sy ma se seun Benjamin, raaksien, vra hy: "Is dit julle jongste broer van wie julle my vertel het?" En Josef sê vir hom: "My seun, God sal jou genadig wees." 30 Toe het Josef haastig padgegee om eenkant te gaan huil, want sy gemoed was vol oor sy broer. Josef is na sy kamer toe en hy het daar gaan huil.

31 Daarna het hy sy gesig gewas en teruggegaan. Hy was weer himself en hy het gesê: "Bedien die ete."

32 Hulle het vir Josef afsonderlik bedien en so ook die broers en die Egiptenaars wat daar by hulle geëet het, want die Egiptenaars het afsku daarvan om dieselfde kos as die Hebreërs te eet. 33 Die broers het teenoor Josef gesit, volgens hulle ouderdom: van die oudste af tot die jongste. Hieroor het die manne mekaar verbaas aangekyk. 34 Elkeen se kos is van Josef se tafel af aangegee, maar Benjamin s'n was vyf keer meer as dié van die ander. Hulle het wyn gedrink en saam met Josef dronk geword.

### **1 Petrus 3:8-9**

Ten slotte: Wees almal eensgesind, medelydend, liefdevol, goedhartig, nederig. 9 Moenie kwaad met kwaad vergeld of belediging met belediging nie. Inteendeel, antwoord met 'n seënwens, want daartoe is julle geroep, sodat julle die seen van God kan verkry.







Teken of skryf iets wat jy uit hierdie verse geleer het:



Skryf jou gebed vir vandag neer:



## WOENSDAG - WEEK 5

LEES

### Genesis 44


Toe beveel Josef sy hoofamptenaar: "Maak die graansakke van die manne vol met net soveel kos as hulle kan vervoer, en sit elkeen se geld bo in sy sak. 2 En my beker, my silwerbeker, moet julle bo in die sak van die jongste sit saam met die geld vir sy graan."

Die hoofamptenaar het gedoen wat Josef gesê het. 3 Ligdag die volgende môre is die manne toe met hulle donkies daar weg. 4 Hulle was nog nie ver uit die stad uit nie, toe sê Josef vir sy hoofamptenaar: "Kom, sit die manne agterna. En as jy hulle ingehaal het, moet jy vir hulle vra: Waarom beantwoord julle die goeie met die slegte? 5 Dit is die beker waaruit Meneer drink en waarmee hy voorspellings doen. Dis 'n lelike ding wat julle gedoen het."

6 Toe die hoofamptenaar hulle ingehaal het, het hy dit alles vir hulle gesê, 7 maar hulle het vir hom gesê: "Waarom sê u so? Nie een van ons sal so iets aanvang nie. 8 Die geld wat ons die vorige keer in ons graansakke ontdek het, het ons uit Kanaän uit vir u teruggebring. Waarom sou ons dan goud of silwer uit die huis van u hoof steel? 9 Die een by wie iets van u hoof gekry word, kan doodgemaak word, en ons sal dan u slawe word."

10 Die hoofamptenaar het geantwoord: "Goed en reg! Dit sal wees soos julle sê, maar net die een by wie die beker gekry word, sal my slaaf word. Julle ander sal onskuldig wees." 11 Toe het elkeen gou sy sak op die grond neergesit en dit oopgemaak. 12 Die hoofamptenaar het dit deurgesoek: hy het by die oudste s'n begin en by die jongste s'n laaste uitgekom en die beker in Benjamin se sak gekry. 13 Toe skeur hulle hulle klere. Elkeen het weer sy donkie gelaai en hulle het omgedraai stad toe.

14 Juda en sy broers het by Josef se huis aangekom. Hy was nog daar, en toe val hulle op die grond voor hom neer. 15 Josef het



vir hulle gesê: “Waarom het julle dit aangevang? Julle weet tog dat ‘n man soos ek voorspellings moet doen!”

16 Juda het geantwoord: “Wat kan ons vir Meneer sê? Wat kan ons antwoord en hoe kan ons onself verontskuldig? God het ons sonde aan die lig gebring. Hier is ons, ons is Meneer se slawe: ons almal, saam met hom by wie die beker gekry is.”


17 Toe sê Josef: “Dit laat ek nie toe nie. Dié een by wie die beker gekry is, sal my slaaf word, en julle kan ongehinderd na julle pa toe gaan.”


18 Maar Juda het nader gekom na Josef toe en gesê: “Asseblief tog, Meneer! Laat ek tog net een keer iets sê. Moet tog nie vir my kwaad word nie! U is soos die farao self. 19 Meneer het ons gevra of ons pa nog leef en of ons nog ‘n broer het, 20 en ons het vir Meneer gesê: ‘Ja, ons pa is oud. En op sy oudag het hy nog ‘n jong seun wie se broer dood is. Die seun is die enigste wat van sy ma oorgebly het, en sy pa het hom lief.’

21 Maar u het gesê ons moet hom na u toe bring sodat u hom kan sien. 22 Toe het ons vir Meneer gesê: ‘Die kind kan nie van sy pa af weggaan nie, en as hy sou weggaan, sou dit sy pa se dood beteken.’ 23 Maar u het ons gesê u wil ons nie weer sien as ons jongste broer nie hierheen kom nie. 24 En toe ons weer terug was by u onderdaan, ons pa, het ons hom vertel wat Meneer gesê het.

25 Toe ons pa ons later weer vra om vir ons ‘n bietjie kos te gaan koop, 26 het ons vir hom gesê: ‘Ons kan nie gaan as ons jongste broer nie by ons is nie. Net as hy saamgaan, kan ons gaan, want as ons jongste broer nie by ons is nie, sal die man ons nie weer daar ontvang nie.’

27 Toe het u onderdaan, ons pa, vir ons gesê: ‘Julle weet my lieflingvrou het net twee seuns vir my in die wêreld gebring. 28 Die een is van my af weg en ek moes aanvaar dat ‘n roofdier hom opgevreet het, en ek het hom tot nou toe nog nie weer gesien





nie. 29 As julle nou ook nog hierdie jongste van my af wegvat en hy kom iets oor, sal julle my in my ouderdom laat sterf van verdriet.'

30 Wanneer ons dus by ons pa terugkom en die seun aan wie hy so geheg is, is nie by ons nie, 31 ja, as hy moet sien die seun is nie daar nie, sal hy sterf. So sal ons ons pa wat 'n ou man is, van kommer laat sterf."

32 Juda het verder gesê: "Ek het vir my pa gewaarborg dat die seun sal terugkom. Ek het belowe ek sal vir altyd by my pa in die skuld wees as ek die seun nie terugbring nie.

33 Hou my daarom dan nou hier as Meneer se slaaf in die plek van die seun, maar laat hy saam met sy broers teruggaan. 34 Hoe kan ek sonder die seun by my pa aan kom? Ek sal dit nie kan verdra om te sien dat so 'n smart hom tref nie."

### **Johannes 15:12-13**

Dit is my opdrag: Julle moet mekaar liefhê soos Ek julle liefhet. 13 Niemand het groter liefde as dit nie: dat hy sy lewe vir sy vriende aflê.

### **1 Johannes 1:8-2:2**

As ons beweer dat ons nie sonde het nie, bedrieg ons onself en is die waarheid nie in ons nie. 9 Maar as ons ons sondes bely – Hy is getrou en regverdig, Hy vergewe ons ons sondes en reinig ons van alle ongeregtigheid. 10 As ons beweer dat ons nie gesondig het nie, maak ons Hom tot leuenaar en is sy word nie in ons nie.

1 Dit skrywe ek aan julle, my liewe kinders, dat julle nie moet sondig nie. En as een van ons sondig – ons het Jesus Christus, die regverdige, as ons voorspraak by die Vader. 2 Hy is die versoening vir ons sondes; en nie net vir óns sondes nie, maar ook vir dié van die van die hele wêreld.



Teken of skryf iets wat jy uit hierdie verse geleer het:



Skryf jou gebed vir vandag neer:



# DONDERDAG - WEEK 5

LEES

## Genesis 45:1-15

Josef kon homself nie langer bedwing voor die mense wat hom bedien het nie. Hy het hulle almal beveel om van hom af weg te gaan, en daar was van dié wat hom gedien het, nie een by hom toe hy hom aan sy broers bekend gemaak het nie. 2 Hy het so hard gehuil dat die Egiptenaars en die mense in die farao se paleis dit gehoor het.

3 Toe sê Josef vir sy broers: "Ek is Josef. Leef Pa werklik nog?" Sy broers kon hom nie antwoord nie, hulle was te bang vir hom. 4 Maar hy het vir hulle gesê: "Kom na my toe!" en toe hulle nader kom, sê hy: "Ek is julle broer Josef. Julle het my verkoop, en ek is Egipte toe gebring. 5 Maar julle moet nou nie sleg voel of bang wees omdat julle my verkoop het nie, want God het my voor julle uitgestuur om lewens te red. 6 Dit is nou maar die tweede jaar van hongersnood in die land. Daar lê nog vyf jaar voor waarin daar nie geploeg of geoes sal word nie. 7 God het my voor julle uit gestuur om vir julle 'n oorblyfsel in hierdie land te laat oorbly, om julle aan die lewe te hou en sodat baie aan die dood sal ontkom. 8 Dis nie julle wat my hierheen gestuur het nie, maar God. Hy het my laat aanstel as die farao se raadgewer en as bevelhebber oor sy huis en as regeerder oor die hele Egipte. 9 Gaan dadelik na Pa toe en sê vir hom: 'So sê Pa se seun Josef: God het my aangestel as regeerder oor die hele Egipte. Kom na my toe. Moenie talm nie, 10 kom bly in die Gosenstreek. Dan is Pa naby my: Pa en Pa se seuns en kleinseuns, die kleinvee en grootvee en alles wat Pa besit. 11 Ek sal vir Pa daar onderhou, want daar lê nog vyf jaar hongersnood voor. So sal Pa nie verarm nie: Pa en Pa se familie en almal by Pa.' 12 Julle sien self, en my broer Benjamin sien dit ook: dis ek wat met julle praat. 13 Julle moet vir Pa vertel van al my mag hier in Egipte en van alles wat julle gesien het. Maak gou en bring vir Pa hierheen."

14 Toe omhels Josef sy broer Benjamin en hy huil; ook Benjamin het op sy broer se skouer gestaan en huil. 15 Josef het al sy broers gesoen en daar by hulle gestaan en huil. Eers daarna het sy broers met hom begin praat.





Teken of skryf iets wat jy uit hierdie verse geleer het:



Skryf jou gebed vir vandag neer:



## VRYPDAG - WEEK 5

LEES

### Genesis 45:16-46:30

Die mense het dit in die farao se paleis gehoor en gesê: "Josef se broers het gekom." Die farao en sy amptenare het dit goedgevind, 17 en hy het vir Josef gesê: "Sê vir jou broers: So moet julle nou optree: saal julle rydiere op en gaan na Kanaän toe. 18 Kry julle vader en julle gesinne en kom hier na my toe. Ek sal julle die beste deel van Egipte gee en julle sal die room van die land geniet. 19 Jy moet hulle beveel: So moet julle optree: vat vir julle uit Egipte waens saam vir julle kinders en vrouens en laat julle vader op 'n wa ry en kom hierheen. 20 Moenie sleg voel oor wat julle nie kan saambring nie, want julle sal hier die beste kry van wat Egipte het."

21 Die seuns van Israel het toe so gemaak. Josef het waens vir hulle saamgegee soos die farao beveel het. Josef het ook vir hulle padkos saamgegee. 22 Hy het vir elkeen nuwe klere gegee, maar vir Benjamin het hy vyf stulle nuwe klere en nog drie en 'n half kilogram silwer gegee. 23 Vir sy pa het hy tien donkies gestuur waarop die beste ware van Egipte gelaai was en tien donkiemerries waarop die beste koring en graan en kos gelaai was. Dit moes dien as padkos vir sy pa. 24 So het Josef sy broers teruggestuur, en by hulle vertrek het hy vir hulle gesê: "Moenie langs die pad bang word en begin twyfel nie."

25 Hulle was toe uit Egipte weg en het in Kanaän by hulle pa Jakob aangekom. 26 Hulle het vir hom gesê: "Josef leef nog. Hy regeer oor die hele Egipte."

Jakob was stomgeslaan. Hy het hulle nie geglo nie. 27 Toe vertel hulle vir hulle pa alles wat Josef vir hulle gesê het, en eers toe hy die waens sien wat Josef gestuur het om hom te kom haal, het hy begin belang stel. 28 En hulle pa Israel het gesê: "Ek verlang niks meer nie. My seun Josef leef, en ek wil hom net sien voor ek sterf."

1 Israel en almal by hom het vertrek. Hy het by Berseba gekom en



daar 'n offer gebring aan die God van sy pa Isak. 2 God het dié nag met Israel gepraat in 'n visioen en geroep: "Jakob, Jakob!"

Hy het geantwoord: "Hier is ek!"

3 Toe sê God: "Ek is God, die God van jou vader. Moenie bang wees om na Egipte toe te gaan nie, want Ek sal jou daar 'n groot nasie maak. 4 Ek gaan saam met jou Egipte toe, en Ek sal jou beslis weer hierheen laat terugkom. Wanneer jy sterf, sal Josef jou oë toedruk."

5 Toe Jakob uit Berseba wou vertrek, het die seuns van Israel hulle pa Jakob en hulle kinders en vrouens op die waens laat klim wat deur die farao gestuur is om op te ry. 6 Hulle het hulle vee saamgevat en ook die ander besittings wat hulle in Kanaän bymekaargemaak het. So is Jakob en sy hele nageslag weg Egipte toe: 7 sy seuns en kleinseuns was by hom, ook sy dogters en kleindogters. Hy het sy hele familie saamgevat Egipte toe.

8 Hier volg die name van die Israeliete wat Egipte toe is: Jakob en sy oudste seun Ruben

9 en dié se seuns Ganok, Pallu, Gerson en Karmi.

10 Simeon en sy seuns Jemuel, Jamin, Ohad, Jakin, Sogar en Saul, seuns van 'n Kanaänitiese vrou.

11 Levi en sy seuns Gerson, Kehat en Merari.

12 Juda en sy seuns Sela, Peres en Serag. Juda se ander seuns, Er en Onan, het al in Kanaän gesterf. Peres se seuns was Gesron en Gamul.

13 Issaskar en sy seuns Tola, Puwwa, Jasub en Simron.

14 Sebulon en sy seuns Sered, Elon en Jagleël.

15 Dit is die seuns wat Lea vir Jakob in Paddan-Aram in die wêreld gebring het. Sy het ook 'n dogter Dina gehad. Hulle almal saam was drie en dertig.

16 Gad en sy seuns Sifjon, Gaggi, Suni, Esbon, Eri, Arod en Areli.





17 Aser en sy seuns Jimna, Jiswa, Jiswi en Beria en hulle suster Serag. Die seuns van Beria was Geber en Malkiël.

18 Dit is die seuns wat Silpa vir Jakob in die wêreld gebring het. Laban het haar vir sy dogter Lea gegee. Hulle almal saam was sestien.

19 Josef en Benjamin was die seuns van Jakob se vrou Ragel.

20 In Egipte is daar twee seuns vir Josef gebore. Asenat, dogter van Poti-Fera priester van On, het hulle vir hom in die wêreld gebring. Hulle was Manasse en Efraim.

21 Benjamin se seuns was Bela, Beker, Asbel, Gera, Naäman, Egi, Ros, Muppim, Guppim en Ard.

22 Dit is die seuns wat Ragel vir Jakob in die wêreld gebring het. Hulle almal saam was veertien.

23 Dan en sy seun Sugam.


24 Naftali en sy seuns Jagseël, Guni, Jeser en Sillem.

25 Dit is die seuns wat Bilha vir Jakob in die wêreld gebring het. Laban het haar vir sy dogter Ragel gegee. Hulle almal saam was sewe.

26 Afgesien van die vrouens van Jakob se seuns was daar ses en sestig afstammeling van Jakob wat na Egipte toe is. 27 In Egipte was daar reeds twee seuns vir Josef gebore. Jakob se afstammeling was dus altesaam sewentig, en hulle was in Egipte.

28 Jakob het vir Juda vooruit gestuur na Josef toe om hom te laat weet dat hy op pad is na Gosen toe. Nadat Jakob-hulle in Gosen aangekom het, 29 het Josef sy wa laat inspan om sy pa Israel in Gosen te gaan ontmoet. Toe Josef hom sien, het hy hom omhels en lank so gestaan en huil.

30 Toe sê Israel vir Josef: "Nou kan ek maar sterf. Ek het jou gesien. Jy lewe nog!"





Teken of skryf iets wat jy uit hierdie verse geleer het:



Skryf jou gebed vir vandag neer:



# HIERDIE WEEK HET EK GELEER...

Gebruik die spasie hier onder om 'n prentjie te teken of te skryf  
oor wat jy hierdie week uit God se Woord geleer het.







WEEK 6

“JULLE WOU  
MY KWAAD  
AANDOEN,  
MAAR GOD  
WOU DAARMEE  
GOED DOEN: HY  
HET GESORG  
DAT ‘N GROOT  
VOLK NOU  
IN DIE LEWE  
GEBLY HET.”

GENESIS 50:20

# MAANDAG - WEEK 6

LEES

## Genesis 46:31-47:27

Josef het vir sy broers en vir sy hele familie gesê: “Ek wil vir die farao gaan sê my broers en my familie het uit Kanaän hier aangekom. 32 Die manne is kleinveeboere, mense met vee, en hulle het hulle kleinvee en grootvee en alles wat hulle besit, saamgebring. 33 As die farao julle nou laat roep en vir julle vra wat is julle nering, 34 moet julle vir hom sê: ‘Van kleins af tot nou toe was ons veeboere, ons en ons voorvaders.’ Dan sal hy julle in Gosen laat woon, want die Egiptenaars het ‘n afkeer van kleinveeboere.”

1 Josef is toe daar weg en hy het die farao gaan inlig. Josef het vir hom gesê: “My vader en my broers het met hulle kleinvee en grootvee en alles wat hulle besit, hier aangekom uit Kanaän. Hulle is nou in die Gosenstreek.”

2 Josef het vyf van sy broers saamgevat en hulle aan die farao voorgestel, 3 en hy het hulle gevra: “Wat is julle nering?” Hulle het hom geantwoord: “Ons is kleinveeboere, ons en ons voorvaders.”

4 Verder het hulle vir die farao gesê: “Ons wil graag as vreemdelinge hier kom woon, want ons het nie meer weiding vir ons vee nie. Daar is ‘n groot droogte in Kanaän. Laat ons toe om in Gosen te kom woon.”

5 Toe sê die farao vir Josef: “Jou vader en jou broers het nou na jou toe gekom. 6 Egipte is tot hulle beskikking. Jy moet hulle in die beste deel van die land laat woon; hulle kan in die Gosenstreek aanbly. En as jy weet van knap manne onder hulle, moet jy dié in bevel plaas van my vee.”

7 Josef het ook sy pa Jakob gebring en hom aan die farao voorgestel. Toe Jakob hom gegroet het, 8 vra hy vir Jakob: “Hoe oud is u?” 9 Jakob het vir hom gesê: “Ek is nou al honderd en dertig jaar ‘n vreemdeling hier op aarde. In vergelyking met dié van my voorvaders is dit maar min, en my lewensjare was vol swaarkry.” 10 Toe groet Jakob die farao en vertrek.



11 Josef het sy pa en broers in Rameses laat woon. Hy het vir hulle in die beste deel van Egipte eiendom gegee soos die farao hom beveel het. 12 Hy het sy pa en broers, sy hele familie met kinders en al, van kos voorsien.

13 Daar was nêrens meer kos in die land nie, want die hongersnood was swaar. Al die mense van Egipte en Kanaän het daaronder gely. 14 Josef het ál die geld van die land in die hande gekry toe die mense van Egipte en Kanaän daarmee kom graan koop het. Hy het die geld na die farao se paleis toe gevat. 15 Maar toe die geld in Egipte en in Kanaän opraak, het al die Egiptenaars vir Josef kom sê: "U moet vir ons kos laat kry. Waarom moet ons hier voor u doodgaan net omdat ons nie geld het nie?"


16 Josef het vir hulle gesê: "As julle geld op is, moet julle maar julle vee bring, dan gee ek vir julle kos in ruil daarvoor."

17 Toe bring hulle hulle vee vir Josef, en hy gee vir hulle kos in ruil vir perde en kleinvee en beeste en donkies. Daardie jaar het hy hulle van kos voorsien in ruil vir al hulle vee.

18 Aan die einde van daardie jaar, en die volgende jaar, het die mense weer by Josef gekom en vir hom gesê: "Ons kan dit nie vir Meneer wegsteek nie: ons geld is op en u besit reeds al ons vee. Ons het niks meer oor om vir u te bring nie, net onself en ons grond. 19 Waarom moet ons voor u oë doodgaan? Hier is ons, en daar is ons grond. Koop ons en koop ons grond in ruil vir kos. Ons sal die farao se slawe word en ons grond sal syne wees. Gee vir ons saad dat ons aan die lewe kan bly. En as ons nie sterf nie, sal ons grond nie onbewerk bly lê nie."

20 So het Josef al die grond vir die farao opgekoop. Al die Egiptenaars het hulle lande verkoop, want die hongersnood het hulle swaar gedruk. Die land het aan die farao behoort, 21 en die volk het van die een uithoek van Egipte tot by die ander uithoek na die stede toe gekom, na Josef toe. 22 Hy het net nie die priesters se grond gekoop nie, want hulle het 'n vaste inkomste van die farao gekry en hiervan het hulle geleef. Daarom het hulle nie hulle grond verkoop nie.





23 Toe sê Josef vir die volk: "Ek het julle en julle grond nou vir die farao gekoop. Hier is vir julle saad. As julle dit nou op die lande saai, 24 moet julle 'n vyfde van die opbrengs vir die farao afgee en vier vyfdes is julle s'n. Gebruik dit as saad vir die lande en as kos vir julle en vir wie in julle huise is en vir julle kinders." 25 Hulle het vir Josef gesê: "U het ons lewe gered. Meneer is ons goedgesind. Ons sal die farao se slawe wees."

26 Josef het hierdie reëling tot vandag toe 'n vaste instelling in Egipte gemaak: 'n vyfde van die opbrengs kom die farao toe. Net die priesters se grond is uitgesonder. Dit behoort nie aan die farao nie.

27 Israel en sy seuns het in Egipte gebly, in die Gosenstreek. Hulle het dit as hulle eiendom ontvang en hulle was vrugbaar en hulle het baie geword.

### **Spreek 8:12-17**

"Ek, Wysheid, het die verstand,  
ek het die kennis en die skrantheid.  
13 Om die Here te dien, is om te haat wat verkeerd is.  
Daarom haat ek hoogmoed en hovaardigheid,  
'n verkeerde lewe en slinkse woorde.  
14 Wie my het, het raad en behaal sukses,  
ek verleen insig, ek is die een wat die mag gee.  
15 Met my hulp regeer konings goed  
en laat maghebbers reg geskied;  
16 met my hulp heers die mense wat mag het,  
die leiers, elkeen wat reg regeer.  
17 Ek het dié lief wat my liefhet;  
dié wat my soek, vind my,



Teken of skryf iets wat jy uit hierdie verse geleer het:



Skryf jou gebed vir vandag neer:



## DINSDAG - WEEK 6

LEES

### Genesis 47:28-48:22

Jakob het sewentien jaar in Egipte gebly. Hy was dus toe honderd sewe en veertig jaar oud. 29 Toe sy einde nader kom, het hy sy seun Josef geroep en vir hom gesê: "Bewys my nog 'n laaste guns. Sit jou hand onder my heup en beloof dat jy my met liefde en eerbied sal behandel en my nie in Egipte sal begrawe nie. 30 Wanneer ek sterf, moet jy my uit Egipte wegvat en die graf van my voorvaders gaan begrawe."

Toe antwoord Josef: "Ek sal doen wat Pa vra."

31 En Jakob het vir hom gesê: "Bevestig jou belofte met 'n eed."


Toe lê Josef vir hom 'n eed af, en Israel het daar op sy bed gebuig voor God.

1 'n Rukkie hierna is vir Josef gesê sy pa is siek. Toe vat Josef sy twee seuns Manasse en Efraim saam. 2 Daar is aan Jakob gesê: "U seun Josef het na u toe gekom." Toe het Israel sy kragte ingespan en regop gaan sit op die bed. 3 Hy het vir Josef gesê: "God die Almagtige het in Lus in Kanaän aan my verskyn. Hy het my geseën 4 en vir my gesê: 'Ek sal jou vrugbaar maak en aan jou baie kinders gee. Ek sal jou nageslag baie volke laat word. Ek sal hierdie land aan jou nageslag gee om vir altyd te besit.'

5 Jou twee seuns wat hier in Egipte vir jou gebore is voordat ek hier na jou toe gekom het, Efraim en Manasse, is vir my soos my eie, soos Ruben en Simeon is hulle vir my. 6 As jy hierna nog kinders het, sal hulle eendag in die naam van hulle broers eiendom verkry. 7 Ek neem die twee seuns as my eie aan, want toe ek uit Padda-Aram gekom het, is Ragel dood in Kanaän op pad na Efrata toe, dit is Betlehem, en ek het haar daar langs die pad begrawe."

8 Toe Jakob die twee seuns van Josef sien, vra hy: "En wie is hulle?" 9 Josef het sy pa geantwoord: "Dit is my seuns. God het hulle vir my in hierdie land gegee." Jakob sê toe: "Bring hulle hier na my toe. Ek wil hulle seën."





10 In sy hoë ouderdom was Israel se oë al sleg en hy kon nie goed sien nie. Josef het sy seuns tot teen Israel gebring, en hy het hulle gesoen en teen hom vasgedruk. 11 Toe sê Israel vir Josef: "Ek het nooit daaraan gedink dat ek jou weer sal sien nie, en hier laat God my nou ook nog jou kinders sien."

12 Josef het sy seuns van sy pa se skoot af getel en voor hom gebuig. 13 Toe vat Josef die twee aan die hand: Efraim met sy regterhand, links van Israel, en Manasse met sy linkerhand, regs van Israel. Maar toe Josef hulle naby hom bring, 14 het Israel sy arms gekruis en sy regterhand op Efraim se kop gesit al was hy die jongste, en sy linkerhand op Manasse s'n al was hy die oudste.

15 Hy het vir Josef geseën en gesê:

"Mag die God naby wie  
my voorvaders Abraham en Isak geleef het,  
die God wat vir my van my geboorte af tot nou toe gesorg het,  
16 die Engel wat my uit elke moontlike gevaar gered het,  
mag Hy die seuns seën.

Dan sal my naam voortleef in hulle,  
en ook dié van my voorvaders Abraham en Isak.  
Mag die seuns vermeerder en baie word in daardie land."

17 Toe Josef sien sy pa sit sy regterhand op Efraim se kop, het Josef gedink dis nie reg nie en toe tel hy Jakob se hand van Efraim se kop af op om die hand op Manasse se kop te sit. 18 Josef het vir sy pa gesê: "Dit hoort nie so nie, Pa! Manasse is die oudste, sit Pa se regterhand op sy kop."

19 Maar sy pa het geweier en gesê: "Ek weet dit, my seun. Ook hy sal 'n volk word, ook hy sal baie word, maar die jonger broer sal sterker word as hy, en die jonger broer se nageslag sal 'n magtige nasie word."

20 Daardie dag het Jakob die twee seuns geseën:

"Die Israeliete sal mekaar seën met die woorde:  
Mag God jou maak soos Efraim en Manasse."





So het Jakob vir Efraim bo Manasse gestel.

21 Toe sê Israel vir Josef: "Ek gaan binnekort sterf, maar God sal by julle wees. Hy sal julle terugbring in die land van julle voorvaders.  
22 Aan jou gee ek iets meer as aan jou broers: Sigem, wat ek van die Amoriëte afgeneem het met my swaard en met my pyl en boog."

### **Jesaja 55:8-9**

My gedagtes is nie julle gedagtes nie,  
en julle optrede nie soos Myne nie,  
sê die Here;  
9 soos die hemel hoër is as die aarde,  
so is my optrede verhewe bo julle optrede  
en my gedagtes bo julle gedagtes.

### **Filippense 1:6**


Ek is veral ook daarvan oortuig dat God, wat die goeie werk in julle begin het, dit end-uit sal voer en dit sal voleindig op die dag wanneer Christus Jesus kom.

### **Hebreërs 11:13**

Terwyl hulle steeds geglo het, het al hierdie mense gesterwe sonder om te verkry wat beloop is, maar hulle het dit uit die verte gesien en daarvoor gejuig, en hulle het erken dat hulle hier op aarde slegs vreemdelinge en bywoners is.

### **Hebreërs 11:21**

Omdat Jakob geglo het, het hy op sy sterfbed albei die seuns van Josef geseën en tot God gebid terwyl hy op die knop van sy kiere leun.





Teken of skryf iets wat jy uit hierdie verse geleer het:



Skryf jou gebed vir vandag neer:



## WOENSDAG - WEEK 6

LEES

### Genesis 49:1-28

Jakob het sy seuns laat roep en vir hulle gesê:

“Kom hier! Ek wil vir julle sê

wat met julle nageslagte sal gebeur:

2 Kom na my toe, seuns van Jakob,

luister na Israel, julle vader!

3 “Ruben, jy is die oudste,

toonbeeld van my krag,

gebore toe ek in my fleur was;

jy is die vernaamste, die sterkste.

4 Maar jy sal nie langer die vernaamste wees nie,

want soos stormwater was jy onstuimig:

jy het jou vergryp aan 'n vrou van jou vader,

jy het my bed verontreinig toe jy daarin geklim het.

5 Simeon en Levi is die en soos die ander:

altyd gereed vir geweld.

6 Aan hulle beraadslagings wil ek geen deel hê nie,

in hulle vergaderings wil ek nie kom nie,

want koelbloedig het hulle mense vermoor,

roekeloos het hulle diere mishandel.

7 Die straf van God sal hulle tref

oor hulle geweldpleging, hulle onbeteulde drif:

hulle sal uitmekaar gejaag word in Jakob,

versprei word tussen die stamme van Israel.

8 “Juda, dit is jy vir wie jou broers sal eer:

jy sal jou vyande onderwerp

en jou broers sal voor jou buig.

9 Jy is 'n leeu, my seun Juda,

wat van die prooi af wegstap.

Jy rek jou uit, jy gaan lê rustig soos 'n leeu,

soos 'n leemannetjie wat deur niemand opgejaag word nie.

10 Jy sal altyd heers,


jy sal aanhou regeer

totdat Silo kom,



die heerser aan wie die volke hulle sal onderwerp.  
11 Hy maak sy rydier vas aan 'n wingerdstok,  
sy donkie aan die beste wingerdstok.  
Sy klere is so rooi soos wyn,  
sy koningkleed so rooi soos duiwesap.  
12 Sy oë is donkerder as wyn,  
sy tande witter as melk.  
13 "Sebulon woon by die strand,  
by die strand waar skepe is,  
sy oë is op Sidon gerig.  
14 Issaskar is 'n sterk pakkier,  
hy gaan lê tussen sy twee saalsakke.  
15 Hy sien 'n goeie woonplek,  
'n mooi landstreek,  
en daarvoor onderwerp hy hom aan dwangarbeid,  
doen hy slawewerk.  
16 "Dan is een van die stamme van Israel,  
hy handhaaf die reg van sy volk.  
17 Dan is 'n slang op die pad,  
'n horingslang op die grootpad,  
hy pik die perd aan sy hakskeen,  
die ruiter val agteroor.  
18 "Ek wag dat U red, Here!  
19 "Gad – 'n bende oorval hom,  
maar hy val hulle van agter af aan.  
20 "Aser eet ryk kos,  
hy eet koningskos.  
21 "Naftali is 'n takbok wat vry rondloop,  
hy het 'n mooi nageslag.  
22 "Josef is 'n boom wat vrugte dra,  
'n vrugteboom by die fontein,  
sy takke groei oor die omheining.  
23 Dié wat met pyl en boog skiet, val hom aan,  
hulle is baie en hulle is sy vyande.  
24 Maar hulle boog misluk elke keer,  
hulle sterk arms bewe,  
want die magtige God van Jakob gryp in,  
die Rots van Israel beskerm hom.





25 Die God van jou vader sal jou help, Josef,  
die Almagtige sal jou seën,  
Hy seën jou met reën uit die hemel,  
met water diep onder die grond uit,  
met moeders wat hulle kinders voed,  
met baie kinders.

26 Die seëninge wat jou vader gegee het, is sterk,  
sterker as dié van die ou-ou berge,  
as die kosbaarhede van die heuwels wat altyd daar is.  
Daardie seëninge kom op Josef,  
op hom wat die leier van sy broers sal wees.

27 "Benjamin is 'n wolf wat prooi verskeur:  
vroeg in die môre eet hy buit,  
in die aand vang hy sy prooi."

28 Dit is al twaalf die stamme van Israel. So het hulle pa  
met hulle gepraat toe hy hulle geseën het. Hy het hulle  
een vir een geseën, elkeen met 'n eie seën.

### **Psalm 139:1-6**

Vir die koorleier. Van Dawid. 'n Psalm.  
Here, U sien dwarsdeur my,  
U ken my.

2 Of ek sit en of ek opstaan, U weet dit,  
U ken my gedagtes nog voordat hulle by my opkom.

3 Of ek reis en of ek oorbly, U bepaal dit,  
U is met al my paaie goed bekend.

4 Daar is nog nie 'n woord op my tong nie  
of U, Here, weet wat dit gaan wees.

5 U omsluit my van alle kante,  
U neem my in besit.

6 Dié wete oorweldig my,  
dit is te hoog vir my begrip.



### **Psalm 139:16**

U het my al gesien toe ek nog ongebore was,  
al my lewensdae was in u boek opgeskrywe  
nog voordat ek gebore is.





Teken of skryf iets wat jy uit hierdie verse geleer het:



Skryf jou gebed vir vandag neer:



# DONDERDAG - WEEK 6

LEES

## Genesis 49:29-50:26

Jakob het vir sy kinders gesê: "Wanneer ek sterf, moet julle my gaan begrawe in die familiegraf, in die grot op die grond van die Hetiet Efron. 30 Dit is die Makpelagrot teenoor Mamre in Kanaän. Abraham het die stuk grond by die Hetiet Efron gekoop om 'n begraafplek te hê. 31 Abraham en sy vrou Sara is daar begrawe, Isak en sy vrou Rebekka is daar begrawe, en daar het ek vir Lea begrawe. 32 Abraham het die grond en die grot daarop by die Hetiete gekoop."


33 Toe Jakob klaar gepraat het, het hy gaan lê, die asem uitgeblaas en gesterf.

1 Josef het toe oor sy pa gebuk en hom al huilende gesoen. 2 Daarna het Josef die dokters in sy diens beveel om die lyk van sy pa te balsam. Hulle het toe vir Israel gebalsem. 3 Dit het veertig dae gevat om 'n lyk te balsam, en Egipte het sewentig dae lank oor Jakob gerou.

4 Toe hierdie routyd verby was, het Josef vir die amptenare van die farao gesê: "As julle my goedgesind is, praat dan tog met die farao en sê vir hom 5 my vader het my 'n eed laat aflê dat ek hom, wanneer hy eendag sterf, sal gaan begrawe in die graf wat hy vir hom in Kanaän reggemaak het. Ek wil hom nou gaan begrawe en dan sal ek terugkom." 6 Die farao het geantwoord: "Gaan, en begrawe jou vader soos hy jou met 'n eed laat beloop het."

7 Josef is toe weg om sy pa te gaan begrawe. Al die amptenare van die farao, die raadgewers van die paleis en die leiers van Egipte is met hom saam, 8 die hele familie van Josef en sy broers en die familie van sy pa is ook saam. Net die kinders, die kleinvee en die grootvee het in die Gosenstreek agtergebly. 9 Waens en perde is met Josef saam. Dit was 'n baie groot stoet.

10 Toe hulle by die dorsvloer van Atad oos van die Jordaan kom, het hulle sewe dae lank daar getreur en gerou oor hulle pa. Hulle



het baie getreur oor hom. 11 Die mense van Kanaän het hulle daar by die dorsvloer van Atad sien rou en gesê: Egipte is swaar in rou. Daarom noem hulle hierdie plek aan die oostekant van die Jordaan Abel-Misrajim.


12 Jakob se seuns het gedoen wat hulle pa gesê het. 13 Hulle het hom Kanaän toe gevat en gaan begrawe in die Makpelagrot op die grond wat deur Abraham by die Hetiet Efron as 'n begraafplek gekoop is. Die grond lê oos van Mamre. 14 Na die begrafnis is Josef en sy broers en almal wat met hom saam is om sy pa te gaan begrawe, terug Egipte toe.

15 Na hulle pa se dood het Josef se broers gevra: "En as Josef nog steeds 'n grief teen ons het en ons nou gaan terugbetaal vir al die kwaad wat ons hom aangedoen het?" 16 Daarom het hulle 'n boodskap na hom toe gestuur: "Voor sy dood het u vader beveel: 17 'Julle moet vir Josef vra om tog die groot misdaad teen hom, die onreg wat julle hom aangedoen het, te vergewe.' Vergeef ons tog nou die misdaad. Ons dien ook die God van u vader." Josef het gehuil oor wat hulle vir hom laat weet het. 18 Daarna het die broers na Josef toe gegaan en voor hom op hulle knieë geval en gesê: "Hier is ons voor u. Ons is u slawe." 19 Maar Josef het hulle geantwoord: "Moenie bang wees nie. Ek is nie God nie. 20 Julle wou my kwaad aandoen, maar God wou daarmee goed doen: Hy het gesorg dat 'n groot volk nou in die lewe gebly het. 21 Moenie bang wees nie. Ek sal sorg dat julle en julle kinders kos het."

Josef het hulle jammer gekry en hulle gerusgestel.

22 Josef het in Egipte gebly, hy en sy hele familie. Hy het honderd en tien jaar oud geword. 23 Hy het die kleinkinders van Efraim gesien, en hy het nog die kinders van Manasse se seun Makir as sy eie aanneem.

24 Josef het vir sy broers gesê: "Na my dood sal God na julle omsien en Hy sal julle uit hierdie land uit laat trek na die land toe wat Hy met 'n eed beloof het aan Abraham, Isak en Jakob." 25





Josef het die seuns van Israel met 'n eed laat beloof: "Wanneer God na julle omsien en julle laat trek, moet julle my liggaam van hier af saamvat." 26 Josef is dood toe hy honderd en tien jaar oud was. Hulle het hom gebalsem en hom daar in Egipte in 'n kis gesit.

### **Eksodus 13:19**

Moses het die liggaam van Josef saamgevat, want Josef het die seuns van Israel dit destyds uitdruklik met 'n eed laat beloof. Hy het gesê: "God sal beslis later na julle omsien, en dan moet julle my liggaam van hier af saamvat."

### **Johannes 14:1-3**

"Julle moet nie onsteld wees nie. Glo in God; glo ook in My. 2 In die huis van my Vader is daar baie woonplek. As dit nie so was nie, sou Ek nie vir julle gesê het Ek gaan om vir julle plek gereed te maak nie. 3 En as Ek gegaan het en vir julle plek gereed gemaak het, kom Ek terug en sal julle na My toe neem, sodat julle ook kan wees waar Ek is.





Teken of skryf iets wat jy uit hierdie verse geleer het:



Skryf jou gebed vir vandag neer:



# VRYDAG - WEEK 6



LEES

## **Genesis 1:31**

Toe het God gekyk na alles wat Hy gemaak het, en dit was baie goed. Dit het aand geword en dit het môre geword. Dit was die sesde dag.

## **Genesis 3:4-6**

Toe sê die slang vir die vrou: "Julle sal beslis nie sterf nie, 5 maar God weet dat julle oë sal oopgaan die dag as julle van daardie boom eet en dan sal julle soos God wees deurdat julle alles kan ken."

6 Toe besef die vrou dat die boom se vrugte goed is om te eet en mooi om na te kyk en begeerlik omdat dit kennis kan gee. En sy het van sy vrugte gepluk en geëet.

## **Genesis 6:5-8**

Toe die Here sien hoe groot die verdorwenheid van die mens op aarde is en dat hy sy lewe lank net slegte dinge bedink, 6 was die Here bedroef daaroor dat Hy die mens op die aarde gemaak het. Dit het Hom diep gegrief. Die Here het gesê: "Ek sal die mens wat Ek geskep het, wegvee van die aarde af; mens en dier, ook dié wat kruip, en die voëls, want Ek is bedroef daaroor dat Ek hulle gemaak het."

8 Maar Noag is deur die Here begenadig.

## **Genesis 18:22-25**

Die mans het weggedraai Sodom toe, maar die Here het by Abraham bly staan. 23 Abraham het toe nader gekom na die Here toe en gevra: "Sal U die regverdiges saam met die goddeloses vernietig? 24 Miskien is daar vyftig regverdiges in die stad. Sal U die plek werklik vernietig? Sal U dit nie spaar oor vyftig regverdiges daarin nie? 25 U sal tog nie so iets doen en die regverdiges saam met die goddeloses behandel nie! Sal die regter van die hele aarde dan nie reg laat geskied nie?"

## **Genesis 50:19-20**

Maar Josef het hulle geantwoord: "Moenie bang wees nie. Ek is nie God nie. 20 Julle wou my kwaad aandoen, maar God wou daarmee goed doen: Hy het gesorg dat 'n groot volk nou in die lewe gebly het.





Teken of skryf iets wat jy uit hierdie verse geleer het:



Skryf jou gebed vir vandag neer:



# HIERDIE WEEK HET EK GELEER...



Gebruik die spasie hier onder om 'n prentjie te teken of te skryf  
oor wat jy hierdie week uit God se Woord geleer het.

